

اصول المحاكم الشرعية

قانون موقتی

شرحی



مؤلفاری

باش مدعی عمومی معاون لندن بك اوغلی بدایت محكمه سی رئیس اولی
یورغاکلی شوکت



جزء : ۹



فی ۵ غروش



معارف عمومیہ نظارت جلیله سنک رخصتی حائر

تکرار طبع و نشری و لسان آخره نقل و ترجمہ سی
حقوق محفوظدر

TDV İSAM
Kütüphanesi Arşivi
No 2E. 1099

قسطینیه

۱۳۰۵

مطبعه ابوالضیا

واصول متخذہ تعبیریلہ صراحت قانونیہ یہ قارشو حکم و حرکت غیر جائز بولندیغنه منی معترض مومی الیهک رد حکام حقنדה اولان ادعاسنک ردیلہ اولبایدہ کی قرار سابقده اصرار ایدلمش ایسهده اعلام استینافی مذکورده مرق اولدینی اوزره رئیس مومی الیهک ایکنجی حقوق دائرہ سی ریاستیلہ انجمن عدلیہده بولندقلری ہنکامده علم و خبر حقنדה بیان رأی و مطالعہ ایتش و محاکم رؤسا و اعضاسندن برینک ہرنہ صفتلہ اولور ایسہ اولسون بیان رأی و مطالعہ ایلدیکی برمادہنک مؤخرآ جریان ایدہ حک محاکمہ و مذاکرہ سندن بولندیرلامسی مجلہنک بیک سکر یوزاون بشنجی مادہ سندن حاکم قبل الحکم افشای سر ایتسی حقنדה اولان ممنوعیت قانونیہ و قواعد اساسیہ عمومیہ اقتضاسندن بولنش اولدینی و ردعوی حقنדה تحریرآ و شفاہاً بیان رأی و مطالعہ ایدہ حک حاکمک اول دعوی حقنדה بتکرار رأی بیان ایتدیکی تقدیرده رأی سابقده مصر اولہ جنی طیبی و بودہ حاکمک صفت بیطرفیسنی اخلاص ایدہ جنی بدیہی اولدقندبشقه اصول محاکمہ حقوقیہ قانون موقتیک آلتش ایکنجی مادہ سندن رد اعضا استدعاسنک اسباب اربہدن برینہ مستند اولدینی صورتده قبول اولنہ جنی کوستریلوب بوندن ماعداسیلہ رد اعضا ادعاسنہ قیام اولنہ میہ جنی یولندہ برفقرہ دخی موجود اولدینی جہتلرلہ عندالاستیناف حکام حقنדה اولان قواعد عمومیہ و مجلہنک سالف الذکر بیک سکر یوز اون بشنجی مادہ سی احکامنہ توفیق معاملہ ایلہ خصوص مذکورک اثنای محاکمہ و مذاکرہ سندن رئیس مومی الیهک بولندیرلامسی لازمہدن بولنش و خصوصیلہ معترض مومی الیہ طرفندن ویریلان عر ضحاک اعطاسندن اولجہ رئیس مومی الیہ اصول مشروحیہ توفیق معاملہ ایدرک محاکمہدن چکلشم ایکن محاکمہ مرقومہ جہ عر ضحال مذکورک قبولی طرفنہ کیدلیوبودہ بالعکس رئیس مومی الیہ حضورندہ دعوی مذکورہنک اساسنہ کیریشلسنہ دائر لاحق اولان قرار سابقده اصرار اولتسی یولسز و مادہ مذکورہ و قواعد

عمومیة اساسیه مغایر ایدوکنه منبی اصول محاکمه حقوقیه قانونک ۲۳۲ نجی ماده سی موجب اعلام مذکورک ۱۷ صفر سنه ۳۰۰ تاریخنده هیئت عمومی جه نقضه قرار ویرلشدر .

مع مافیه مجله احکام عدلیه نك مارالبیان بیک سکر یوز اون اشخی ماده سنده « حاکم محاکمینی علناً اجرا ایدر . فقط قبل الحکم نه وجهله حکم ایدیله جکئی افشا ایتمز . دیومسطور اولدیغنه نظراً حاکم قبل الحکم نه وجهله حکم ایدیله جکئی افشا ایتماش یعنی ویریله جک حکم اولدن طرفینجه معلوم اولماش بولنسی ایچون محاکمه ومرافعه سی محکمه ده در دست رؤیت بولنان ماده حقنده هر نه صورته اولور ایسه اولسون اولجه بیان رأی ایتماش اولسی لوازم قانونیه دن اولوب یوقسه محکمه ده در دست محاکمه بولنان بر ماده به نمائل دیگر بخصوص حقنده بیان رأی ایتماش اولسی ردی موجب اوله ماز . زیرا حاکم امثال ایله حکمه قانوناً مأذون اولدیغی کبی بر ماده ده موجود اولان مسئله نك صورت حائنه توفیق حرکتله دیگر بر دعواده تحدث ایدن مسئله مائله بی دخی بعینها حل ایتسنده بر مجبورت طبیعیه تصور اولنه ماز .

کذلک بر حاکم اثر تحریر یسنده و یا خود تألیفاتنده بیان رأی ومطالعه ایتدیگی بر مسئله محاکمه ایده جکئی دعواده کی مسئله به نمائل اولسه بودخی اسباب ردیه دن دکدر زیر قانوناً مطلوب اولان سبب رد اولنان حاکم محاکمه سنده بولنه جفی ایش حقنده اولجه افشای رأی ایتماش اولسی ماده سی اولوب حل مسائل حقنده عمومیت اوزره بیان اولنه جق مطالعه ایسه بوکا غیر مقیسدر .

§ ۲۴۴ — « رد حاکم » اعتراضی ردی مراد اولنان حاکم

اعضاسندن بولندینی محکمه ده در میان اولنه رق ینه او محکمه نك اعضای موجوده سنک رأی وقراریله حل اولتمق لازم کلور .

TDV ISAM
Kütüphanesi Arşivi
No 24.1099

مثلا ردی مراد اولنان حاکم بدایت محکمه سی اعضاسندن ایسه رد اعتراضنک دخی بدایت محکمه سنجه تحت قراره التیق اوزره سرد ایدلسی احکام قانونیه اقتضاسندن اولوب شاید استیناف محکمه سنده اولیه بر اعتراض ایراد اولنور ایسه مسوع اوله ماز .

محکمه تمیز حقوق دائره سندن بو مسئله حقنده صادر اولان اعلام « خداوندکار تجارت محکمه سندن استینافاً ویریلان حکمک نتیجه مفادی مستدعی تمیز طرفندن رد اعضا وتحلیف حقنده کی اعتراضاتک بدایت در میان اولنماسندن ناشی استینافاً استماع وتدقیق غیر جائز بولنمش ووظیفه مسئله سی دخی بدایت حل وفصل ایدلمش اولدیغی جهتله بوبانده کی اعتراضاتک ردیه بر موجب سند مبلغ مدعانک تحصیلی لزومنه دائر اولان حکم ابتدائینک تصدیق قرارندن عبارت اولوب اشبو قرار علیهنده مستدعی جانبدن وظیفه ورد اعضا حقنده در میان اولنان اعتراضاتدن برنجیمی بدایت سرد اولنه رق طرفینک تجارندن اولدیغی عندالتحقیق تبین ایتسیله ردینه قرار ویرلمش ورد اعضا اعتراضی دخی ردی مطلوب اولان اعضانک منسوب اولدیغی محکمه جه تدقیق اولتمق اوزره بیانی لازمه دن اولوب عندالاستیناف تدقیقنه محل بولنماش اولدیغنه دائر باش مدعی عمومیلکدن ایراد اولنان مطالعه وجهله غیر وارد کورندیکندن اعلام معترض فهک تصدیقنه فی ۲۲ جمادی الاخره سنه ۳۰۲ تاریخنده متفقاً قرار ویرلدیکنی » حاکی بولمشدر .

مع مافیه دعوی واقعه نك در دست رؤیت بولندینی محکمه هیئتک دعوايه باقمیه جق صورته اعضاسنک اکثر یسنده اسباب ردیه بولندینی

و طرفیندن دخی اسباب مذکورہ نك سرد و ایرادیله بونلرک ردی طلب اولندینی تقدیرده اسباب ردیه نك تدقیقه اول محکمه نك هیئتی عدد قانونیسندن دون اولق حسیدیه صلاحیتدار اوله میه جغندن و دیگر طرفدن ایسه محکمه هیئتک اوله جبه ردی اول محکمه دن عدم امنیتنی انتاج ایده جکندن نقل دعوی طریقته سلوک اولنق لازم کورکه بودخی دیوان احکام عدلیه نظامنامه داخلینک اون آلتنجی ماده سی موجبجه محکمه تمیزجه تحت قراره آلنور .

§ ۲۴۵ — رد حاکم اعتراضی انتظام محاکمه و بناءً علیه منافع عامه یه متلق خصوصاتدن اولدینی جهتله اول باؤل مدعی عمومینک اولاباده مطالعه سی استماع قلمق تشکیلات محاکم قانوننک آلتمش بشنجی ماده سی احکامی اقتضاسندندر .

مدعی عمومینک مطالعه سی استماع قلمق دندن صکره رد اولنان حاکم داخل اولماق شرطیه اعتراض واقع بالمداکره تدقیق اولنه رق وارد اولدینی کورلدکده قبول اولنور . عکسی تقدیرده اعتراض مذکورک ردیه متن ماده قانونیه مذکور اولدینی اوزره معترض اولان کیمسه دن یوز غروشدن بشیوز غروشه قدر جزای نقدی آلنور .

هر حالده اعتراض مسرودک رد و یا قبولی حقه نده قرار و یلزدن اول مدعی عمومینک مطالعه سی استماع اولنق لازمه دن اولدینی کبی قرار صدورندن صکره دخی اولاباده کی اسباب موجب نك ایضاحی مقتضیات قانونیه دندر .

محکمه تمیز حقوق دائره سندن بوکا دائر صادر اولان اعلام « رد اعضا حقه نده کی استدعادن طولانی اصول محاکمه نك آلتمش ایکنجی ماده سنده کوستریلان اسباب اربعه دن بری موجود اولوب اولدینی تدقیق

ایدیله رک ردی مستلزم اولدینی تحقق ایتدیکی تقدیرده اسباب موجب سنک بیانیه اولاباده کی طلب واستدعا رد ایدلمک لازم کور ایکن بدایت محکمه سنجیه اشبو طلب واستدعانک بلا اسباب موجبیه رد ایدلسی یولسز اولدینی کبی بومثلو خصوصانده مدعی عمومیلرک حضوری مقتضی اولدینی حالده بوباده مدعی عمومینک دخی حاضر بولندیرلما سی مخالف قانون بولنمش اولدیغندن اعلام مذکورک تقضیه ۱۳ صفر سنه ۳۰۲ تاریخنده قرار ویرلدیکی « متضمندر .

TDV İSAM

Kütüphanesi Arşivi

No 2E.1099

آلتمش اوچنجی ماده — « اموال منقوله و غیر منقوله دعوارنده منافع فیه کشف و معاینه سیله اهل خبره ووقفدن معلومات آلتسنه لزوم کوریلور و یاخود طرفیندن بری استدعا ایدر ایسه اول وجهله و طرفین و یاخود وکیللری حاضر اولدقلمری حالده کشف و تحقیق ایلک اوزره محکمه نك برقطعه قرارنامه سیله اعضاسندن بری نائب تعیین اولنور مذکور قرارنامه ده اهل خبره ووقفک کیلر اوله جنی و اجرا اولنه حق کشف و تحقیقات نهدن عبارت اولدینی و محل ووقت اجتماع کیفیاتی بالتحریر نائبه و برقطعه صورتی طرفینه اعطا اولنه جنی مثللو محنده کشف و معاینه اولنه حق احوال و کیفیات و آله حق معلومات اوزرینه نائب طرفندن درحال برقطعه تقریر تنظیم و کندیسيله اهل خبره ووقف جانبدن امضا و تختم اولنه رق برقطعه صورتی طرفینه ویرلدکن صکره محکمه یه اعطا اولنه حق و آنک اوزرینه طرفین محکمه یه جلب و محاکمه لری اکیال اولنه جقدر اهل خبره ووقفک محکمه جه قطع اولنه حق اجرت و یاخود یومیه سیله اعضانک مصارف ضروریه سی حقسز چیقان طرفه رجوع ایتک اوزره اول امرده کشفنی طلب ایدندن آله جقدر »

§ ۲۴۶ — تدقیقات فیه اجرایی مقتضی اولان خصوصاتده

تعیین اولنه حق اهل وقوفك هر حالده منتسبین فنوندن انتخاب اولنمی لازمه دن اولوب عكس حال وقوعنده یعنی ارباب فندن اولیانلر اهل خبره اولمق اوزره تعیین اولنمی تقدیره بونلرك و یرمش اوله جملری تقریر اساس حکم اتخاذ اولنه ماز .

حکمه تمیز حقوق دائره سندن بو مسئله حقنده لاحق اولان اعلام « تمیز اولنان اعلامک نتیجه مفادی سالانیک دائره بلدیسه سی جانبندن مجدد طریق کشادیله مدعیه نک باغندن اخذ اولنان اوچیک بشیوز اون طقوز ذراع محلك بهر ذراعی ایچون عندالکشف آتون اوله رق تقدیر ایدیلان بش غروشدن بالغ اولدینی اون طقوز بیک بو قدر غروشک لیره یوز غروش حسابله دائره مذکوره جانبندن مدعیه مزبوره تادیه اولنمق اوزره دائره مذکوره نک شخص ثالث ذمتنده محجوز بولنان اوچوز لیره سندن مبلغ مدعا بهک کفایت ایده جک مقصداری حقندکی حجزک تصدیقنه دائره حکم ابتدائینک عندالاستیناف تصدیق حکم و قرارندن عبارت اولوب اشبو حکم علمینه مستدعی تمیز اولان دائره مذکوره طرفندن درمیان اولنان باشلوجه اعتراض محل منازع فهک کشف و معاينه سنده بیغرض ارباب وقوف و معلوماتک بولندرلامسی و حکم ابتدائینک فمخيله برابر اساس ماده حقنده محاکمه اجرا و دیگر کونه اسباب موجب قانونیه ارئه اولنمق سزین اعلام ابتدائینک تکرار تصدیق ایدلمسی بولسز ایدوکی قضیه لری اوله رق واقعا اعلام مذکور مندرجاتندن مستبان اولدینی وجهله محل منازع فهک توسیع طریق ایچون آلدینی بدایه دائره مذکوره جانبندن درمیان اولنمی اوزرینه اولباده اجرا اولنان کشف و معاينه نک نقطه نزاع اولان جهتک خریطه سنی ترسیم و تقدیره مقتدر اولان اهل وقوف معرفتیه اجرا ایتدیلامسی بولسز و اصول و قانونه مغایر اولدیغندن اعلام معترض فهک فی ۹ مارت سنه ۳۰۱ تاریخده متفقاً نقض ایدلیکنی « حاکی بولمشدر .

§ ۲۴۷ — منازع فیه اموال منقوله و غیر منقوله نک کشفنه لزوم کورلیدیکی تقدیره اشبو ماده حکمنجه اعضای محکمه دن برینک نائب و اهل وقوف تعیینی واجبات اموردن اولوب یوخسه محکمه هیئتک محتملاً محل منازع فیه عزیمت ایتلری و کشف و تحقیقاتک اهل وقوف معرفتیه اجرا ایتدیلمیوبده تحقیقات واقعه بی دخی هیئت مذکوره نک اجرایه مبادرت ایتلری مغایر اصول و قانون اوله رق نقض حکمی موجب احوالنددر .

زیرا مارالبیان آلتش اوچنجی ماده ده کورلیدیکی اوزره اموال منقوله و غیر منقوله نک کشفی اقتضا ایتدیکی تقدیره نائب ایله اهل وقوف تعیین و انتخاب و محل منازع فیه اعزام اولنمق و بونلر طرفندن تنظیم اولنه حق تقریر محکمه جه بالتصدیق فسخ و یا تصدیق ایدلمک قانوناً لازمه دن اوله رق هیئت محکمه نک اجرا ایده جکی کشف و تحقیقاتک سنه اول هیئتک نظر تدقیقنه عرض اولدینی تقدیره تصدیق اولنه جفی اغلب احتمال اولسبیه حکماک صفت بی طرفینه غیر موافق و بناء علیه احکام اساسیه اصولیه غیر مطابق اوله جغندن قانوناً جائز اوله ماز بومسئله نک مطالعات مسروده دائره سنده حلته دائره محکمه تمیز حقوق دائره سنک متعدد اعلاماتی واردر .

اشبو ماده ده کورلیدیلان کشف و تحقیقات معايله سی هر حالده نائب و اهل وقوف معرفتیه اجرا ایتدیلمک لازمه دن اوله رق هیئت محکمه نک بالذات کشف اجرا سنه بوجه محرر صلاحیتی اولدینی کی امور ملکیه یه مأمور مجالس و دوائر و قومسیون مثلاًو هیئات جانبندن اجرا اولنه حق کشف و تحقیقاتی متضمن مضبطه لرك دخی نظر قانونده برکونه حکم و تأثیری اوله ماز .

حکمه تمیز حقوق دائره سندن بونقطه قانونیه یه دائره و یریلان اعلام « تمیز اولنان اعلامک نتیجه مفادی منازع فیه اولان دکانک مساحه سابقه سنه نظراً فضله سی اولوب مدعی علمه انک دکافی عرصه سندن ایدوکی

انشآت قومسیونی مضبطه سندن آکلاشیلان یکریمی یرمق یوز و اون یرمق درینلکک مذکور دکاندن افزایله کندوسنه تسلیمه حکمدن عبارت ایسه ده اشبو حکم علیهنده مستدعی تمیز جانبدن درمیان اولنان اعتراضاتک باشلوجه سی املاک دعوالرینک طرفین بدنده موجود اولسی لازم کلان سندات ایله قیودینه بلراجمه تدقیق وحلی ایجاب ایدرکن نظاماً حکمی اولیان مذکور قومسیون مضبطه سنک مدار حکم اتخاذ ایدلمسی و قانوناً ایجاب ایدن کشف و تحقیقاتک اجرا قلماسی و عندالحاکمه مدعی جانبدن مدعا بهک قییتی تعیین ایدلامش ایکن محکمه جه مذکور دکانک درت بیک غروش قییتی اولدینی بیانیه دعوانک قابل استیناف اولدیغنه قرار ویرلمسی یولسز ایدوکی خصوصلری اوله رق واقعا امور ملکیه مأمور اولان مجالس و دوآردن و محاکم معرفتیه شکل ایتامش اولان قومسیونلردن دعایء حقوقیه حقنده ویریلان قرارلرک معتبر اولمیه جنی اصول محاکمه حقوقیه نک دردنچی ماده سنده مصرح بولدینی جهتله دعوی واقعه حقنده مضبطه مذکوره قانوناً مدار حکم اولمیه جنی کبی بومقوله املاک دعوالرینک فصل ورؤیتده محل منازع فهک نائب تعیین واعزامیه کشفی و طرفین بدنده بولنان سندات رسمی و عندالحاجه قیودات محلیه نک تدقیق و معاینه سی اقتضا ایدر ایکن اشبو طریق قانونی دائره سنده اجرای تدقیقات اولنقمسزین مذکور مضبطه مندرجاته بنای حکم ایدلمسی و مدعا بهک عندالحاکمه قییتی تقدیر ایدلامش ایکن محکمه جه درت بیک غروش قییتی اولدینی بیانیه قابل استیناف اولدینی کوسترلمسی مغایر اصول و قانون اولدیغندن اعلام مذکورک ۲۷ جمادی الاول سنه ۳۰۱ تاریخنده نقضنه قرار ویرلدیکنی « معلندر .

§ ۲۴۸ — کذلک کشف اولنه حق عقار حقنده اجر مثل تقدیری لازم کد کده بونک دخی مجله احکامجه اهل وقوف معرفتیه تقدیر ایتدیرلمسی مقتضیات

قانونیه دن اولوب یو خسه محکمه جه رأساً تقدیر ایدلمش اولور ایسه نقض حکمی موجب اولور .

محکمه تمیز حقوق دائره سندن بو باده صادر اولان اعلاماتدن بری « تمیز اولنان استیناف اعلامنک نتیجه حکمی منازع فیه اولان دکانک سنوی یوز یکر میشر لیرادن اوچ سنه درت ایلق اجر مثلندن صغیرانک حصه لرینه اصابت ایدن مقدارک و بعده بو حساب اوزره ایشلیه جک اجر تک تحصیلنه حکم و قراردن عبارت اولوب اشبو حکم علیهنده مستدعینک باشلوجه اعتراضی محکمه استینافیه جه علی الاصول تحقیقات اجرا قلمسزین اجر مثله حکم اولنسی یولسز ایدوکی خصوصی اوله رق واقعا مجله نک درت یوز اون دردنچی ماده سنده کوسترلدیکی اوزره اجر مثل بیغرض اهل وقوفک بیان ایده جکی اجرت اولسنه و بونک مقداری دخی ارباب وقوفک تعیین و تقدیر یله تقرر ایده جکجه نظراً محکمه استینافیه ده اجر مثلك علی الاصول بیغرض ارباب وقوف معرفتیه تقدیر ایتدیر یله رک انلرک بیان ایده جکلری اجر مثلك تحت حکمه النسی لازم کلور ایکن بو یولده تقدیر ایدلمکسزین محکمه جه حکم ایدلمسی یولسز و احکام مجله یه مخالف اوله رق مستدعینک اعتراضی شایان قبول کورنمش اولدیغندن اصول محاکمه حقوقیه قانون موقتینک ایکی یوز اوتوز ایکنجی ماده سی موجبجه اعلام مذکورک نقضنه ۲۱ رمضان سنه ۳۰۱ تاریخیه قرار ویرلدیکنی »

TDV İSAM

Kütüphanesi Arşivi

No 2E.1099

و دیگر « تمیز اولنان اعلامک نتیجه مفادی منازع فیه خانه نک تخلیه سیله برابر مدت ایجارک انقضاسندن اعتباراً مرور ایدن مدت ایچون با پروتست و طلب اولنان یومیه یارم لیرا فاحش کور یله رک محکمه جه تقدیر ایدیلان یومی بر چاریک لیرانک مستأجردن تحصیلنه حکم و قراردن عبارت اولوب اشبو قرار علیهنه مستدعی وکیلنک باشلوجه اعتراضی ایسه ایام ماره

بدل ایجاری اولمق اوزره محکمه نك خود بخود اجر مثل تعیینه صلاحیتی اولیب بونك اهل وقوف جانبندن تقدیری اقتضا ایده چکی خصوصی اوله رق واقعا مجله نك درت یوز اون دردنجی ماده سنده اجر مثل بیغرض ارباب وقوفك تعیین ایده چکلری اجر تدر دیو محرر اولدینی حالده بو اجر نك خود بخود محکمه جه تعیین اولغسی احکام مجله یه مخالف اولغله بو باده کی اعتراض شایان قبول اولدیغندن اعلام مذکورک یالکیز بو جهتنك تقضنه ۲۱ تشرین اول سنه ۳۰۱ تاریخیه متفقاً قرار ویرلدیکی « متضمن بولغشدر .

§ ۲۴۹ — اهل خبره تعیینه لزوم کورلدیکی تقدیرده هر حالده بوکا دائر برقرار ویرلک اولباده کی قرارنامه نائبه اعطا و بررقطه صورتی طرفینه تبلیغ اولمق اشبو ماده ده موجود اولان صراحت قانونیه اقتضاسندندرکه عکس حال وقوعنده لاحق اوله حق حکم و اعلام عندالتمیز نقض اولنور .

محکمه تمیز حقوق دائره سنندن بو نقطه قانونیه حقنده لاحق اولان اعلام « منازع فیه اولان محکک کشف و معاینه سنه لزوم کورلدیکی تقدیرده اولباده محکمه جه تنظیم اولنه حق قرارنامه ایله کشفی محتوی نائب طرفندن ویرله چک تقریر صورتلرینک طرفینه تبلیغ و اعطا و کشفک دخی طرفین ویا وکیللری حضورنده اجرا قلمسی اصول محاکمه حقوقیه قانون موقتک آلتمش اوچنجی ماده سی اقتضاسندن بولغش ایکن محکمه جه اجرا قلنان کشف حقنده ماده مذکوره احکامنه نوفیق معامله ایدلامش اولسی ولاحق اولان حکمدن دولایی اسباب قانونیه دخی کوسترلامسی یولسز و مغایر قانون و مستدعینک اعتراضاتی شایان قبول کورنمش اولدیغندن قانون موقت مذکورک ایکی یوز اوتوز ایکنجی ماده سی موجبجه اولباده کی اعلام ابتدائی ۲ نیشان سنه ۳۰۰ تاریخیه متفقاً نقض ایدلمش اولدیغی « مبیدر .

§ ۲۵۰ — محکمه جانبندن کشف اجرایی ضمننده نائب تعیین

اوله ررق اهل وقوف انتخاب اولندقدن ماعدا اثنای کشفده ایجاب ایدن بعض موادک کندولرندن استیضاحی ویا درمیان ایده چکلری ملاحظانک تدقیق و استماعی قابل اولمق اوزره طرفینک دخی اثنای کشفده حاضر بولندیرلملری لازمه دندر .

عکس حال وقوعنده یعنی طرفینک عدم حضور یله کشف اجرا اولدیغی تقدیرده لاحق اوله حق حکم اعلامی نقصان تحقیقانه مبتنی اولمق حسیله عندالتمیز نقض اولنور .

محکمه تمیز حقوق دائره سنندن بو مسئله یه دائر ویریلان اعلامده « معترض به اولان اعلامک نتیجه مفادی منازع فیه اولان دکرمان و ترلالر اجاره واحدلی وقف عقار اولدیغندن و ایجار عقار نظامنامه سی احکامنجیه اوچ سنه دن زیاده ایجار اولنه میه جغندن بش سنه لک عقدی متضمن اولان مقاوله نامه حکمنک قلمسی قرارندن عبارت اولوب اشبو قرار عاینده مستدعینک باشلوجه اعتراضی اجرا ایدیلان کشفک اصول محاکمه حقوقیه قانون موقتک آلتمش اوچنجی ماده سنه عدم موافقتی خصوصی اولوب واقعا ماده مذکوره کوسترلدیکی اوزره محکمه جه اجرا قلنان کشف اثناسنده طرفینک حاضر بولدیغنه و مأمور تعیین قلندیغنه دائر اعلامده برصراحت کوریه مدیکی جهته اعتراض واقع شایان قبول اولدیغندن اصول محاکمه حقوقیه قانون موقتک ایکوز اوتوز ایکنجی و ایکوز قرق برنجی ماده لری موجبجه اولباده کی اعلامک تقضنه ۱۹ ذی الحججه سنه ۳۰۲ تاریخیه قرار ویرلدیکی « مسطوردر .

§ ۲۵۱ — اجرای کشف و معاینه صدنده اشبو التمش اوچنجی ماده قانونیه یه نوفیق معامله اولمق و تعیین اولنه حق نائب دخی هر حالده محکمه جه متخذ اولان قرار دائره سننده اجرایی معامله یه ابتدار اتمک لازم

کلور محکمه چه ماده قانونیه مذکوره احکامه توفیق معامله اولمدینی ونائب طرفین دخی مندرجات قرار نامه دائرهسندہ حرکت ایدلیدیکی تقدیرده اولبابده ویریله جبک تقریر کائن لم یکن حکمنده طوتیلوب محکمه چه فسخ اولنحق اقتضا ایدر شاید فسخ اولنمدیوبده مدار حکم اتخاذ اولنه جق اولور ایسه ماده مذکوره یه توفیق معامله ایدلمامش وبناء علیه مغایر قانون اولان تقریر بنای حکم اولنمش دیمک اوله جخی جهتله صادر اولان اعلام عندالتیمز نقض ایدیلور .

محکمه تمیز حقوق دائرهسندن بوکا دائر لاحق اولان حکم اعلامی « بدایت محکمه سنجه لاجل التحقیق محل منازع فیہ کیدلیدیکی اعلام ابتدائیده مندرج تفصیلاتدن مستفاد اولمقدہ بولنمش ایسهده اموال منقولہ وغیر منقولہ دعوارزنده منازع فیہک کشف ومعاینه سیله اهل خبره ووقوفدن معلومات اخذینہ لزوم کورلیدیکی و یاخود طرفیندن بری استدعا ایلیدیکی حالده اصول محاکمه حقوقیه قانون موقتک التمش اوچنجی مادهسنه تطبیق وتوفیق معاملات اولنحق لازم کلیدیکی حالده محکمه مذکوره چه کرک محل منازع فیہه مأمور اعزامسندن اول اجراسی لازمکلان موادده وکرک اعزام اولنه جق مأمور جانبندن تحقیقات محلیه اجراسندن صکره بونک محکمه یه صورت عرض وبیانیله محکمه دن دخی ایفاسی مقتضی کورینان معاملهده ذکر اولنان التمش اوچنجی ماده یه قطعاً تمسک وامثال اولنمامش اولسی بولسبز واصل وقانونه مغایر اولدیغندن قانون موقت مذکورک ایکوز اوتوز انکنجی مادهسی موجبجه اعلامک تقضنه ۱۲ جمادی اول سنه ۹۹ تاریخنده متفقاً قرار ویرلیدیکی » متضمن بولنمشدر .

§ ۲۵۲ — مجله احکام عدلیه نیک سکر یوز التیمی مادهسنده « حاکمک استماع ایلیدیکی بینه ایله نائی ونائبک استماع ایلیدیکی بینه ایله کیدوسی حکم ایدیلور .

شویله که حاکم بر دعوی حقنده بینه استماع ونائبه اخبار ایلسه نائی اعاده بینه ایتیمکسزین اخبار یله حکم ایدیلور . و حکمه مآذون اولان نایب بر خصوصه بینه استماع ایدوبده حاکمه انها ایلسه حاکم اعاده بینه ایتیمکسزین نایبک انها سیله حکم ایدیلور . اما حکمه مآذون اولیوبده آنحق تدقیق واستکشاف ایچون بینه استماعنه مأمور اولان کیمسه نک انها سیله حاکم حکم ایدمیوب بالذات استماع بینه ایتیمی لازمدر « دیو مسطور اولدیغنه کوره کشف ومعاینه ایچون تعیین اولنان نایب بینه استماعنه مآذون اولمدینی حالده بینه استماع انلش اولسه اولبابده کی تقریر محکمه چه مدار حکم اتخاذ اولنه من چونکه نایبک بلا مآذونیت شهود استماعی ایله قانوناً شهادت واقعه یه بنای حکم جائز اولدیغندن شهود مرقومه یه محکمه چه تکرار ادای شهادت ایتدیر ملک اقتضا ایدر . بناء علیه عکسنه اولان معامله و اولبابده ویریلان حکم عندالاستنیاف والتیمز فسخ ونقض اولنور .

بو باده محکمه تمیز حقوق دائرهسندن تنظیم اولنان اعلامک نتیجه حکمی « اعلام معترض فیہ مندرجاتندن مستفاد اولدیگی اوزره منازع فیہ اولان دکان حقنده اقامه اولنان دعوادن دولای محکمه چه تعیین ومحل منازع فیہه اعزام اولنان مأمورینک یالکز اجرای تحقیقات ایچون مأمور اولدقلری وکندولرینک استماع شهود حقنده برکونه مآذونیتلری بولنمدینی حالده مأمورین موسی الیهمک محلیجه اجرای تحقیقات صرهسندہ استماع ایتمش اولدقلری اخباراتی مبین اعطا ایلدکلی ورقه یه استناداً شهود مرقومه محکمه یه جلب ایله استماع اولنقسزین اساس دعوی حقنده اعطای حکم وقرار اولنمش اولوب آنحق اصول محاکمه حقوقیه قانون موقتک سکسان بشنجی مادهسنده محرر اولدیگی اوزره اثبات مدعا خننده اقامه اولنه جق شاهدلرک حضور محکمه ده ومواجهه طرفینده استماع اولنمی لازمدهدن اولسنه وکرچه بومقوله اجرای تحقیقات ایچون جانب محکمه دن تعیین

اوله حق نایبک خصوص مدعدن دولانی محلیه شاهد استماع ایده بیله جکباری درکار ایسه ده بونک دخی نایبک استماع شهوده مأذون اولمی وشهادت واقعه نك مواجهه خصمه اجرا ایتدیلمسی ایله مشروط بولمسنه نظراً بدایت محکمه سنجه مأمورین مومی ایهمک محلیه استماع شهود حقنده برکونه مأذونیتلری اولماسندن ناشی اولباده استماع ایتمش اولدقلری شهادته و آئی مبین محکمه یه اعطا ایلدکلری شهادتنامه یه عطف نظر اهمیت اولمیه رق سالف الذکر سکسان بشنجی ماده قانونیه موجبجه شهود مرقومه نك محکمه یه جلب واخصاریله تکرار مواجهه طرفینده ادای شهادت ایتدیلمسی لازه کلور ایکن محکمه مرقومه جه بوقطه مهمه تأمل وملاحظه اولتمسزین مأمورین مومی ایهمک محکمه یه کتیرمش اولدقلری شهادتنامه مندرجاتنه بنای حکم ایلمش اولمی یواسز واصول وقانونه مغایر بولمش اولدیغندن قانون مذکورک ایکیوز اوتوز ایکنجی ماده سی موجبجه اعلام مذکورک ۱۰ تشرین اول سنه ۹۹ تاریخنده متفقاً نقض اولمش اولدیغنی « مبین بولمشدر .

۲۵۳ S — نایبک تنظیم ایده جکی تقرر علمینده طرفینک برکونه ادعا و اعتراضلری اولدیغنی تقدیرده عندالحاکمه استماع قلمق و اعتراض وجوابلری بلماوزنه تدقیقات اجراسیایه اکا کوره نایب تقررینک فسخ ویا تصدیق طرفنه کیدلک حق مدافعه یه تعلق ایدن احکام قانونیه اقتضاسندن اولدیغندن نایب طرفندن ویریه جک تقررک طرفینه تبلیغی معاملات لازمه اساسیهدن معدوددر .

شاید تقرر مذکور تبلیغ اولتمسزین وطرفینک مندرجات تقرر حقنده ادعا ومدافعاتی استماع قلمقسزین حکم ویریه جک اولور ایسه حکم وافعک عندالتمیز نقضی لابدر .

محکمه تمیز حقوق دائره سندن بومطالعاتی مؤید اوله رق لاحق اولان

اعلاماتک برنجیسی « منازع فیله ترلانک محلنده کشفیله تحقیقات مقتضیه اجراسنه دائر ویریلان قرارک اسباب موجبیه سی اعلام مذکورده کوسترلمش اولدقدن بشقه بومثلوا تحقیقات کشفیه اجراسیچون اصول محاکمه حقوقیه قانون موقتک آلتش اوچنجی ماده سنده تعیین قلمان اصوله دخی توفیق معامله ایلاماکله برابر اولباده مأموری جانبندن تنظیم قلمان تقررک طرفین مواجهه سنده قرائتله مندرجاتی حقنده نه دیه جکباری استفسار قلمق ودرمیان ایده جکباری افادات اوزرینه اجرای تدقیقات واتمام محاکمه ایلدکدکنصکره ختام محاکمه بالتفهیم حکم وقراره ربط ایلمک لازمه دن ایکن بویوله دخی معاملات قانونیه یه اعتنا اولنماسی اصول محاکمه یه مخالف بولمش اولدیغندن قانون موقت مزبورک ایکیوز اوتوز ایکنجی وایکیوز قرق برنجی ماده لری احکامنه توفیقاً اعلام مذکورک ۲۰ صفر سنه ۳۰۲ تاریخنده متفقاً نقضنه قرار ویرلیدیکی »

وایکنجیسی دخی « تمیز اولنان اعلامک نتیجه مفادی مستدعی جانبندن تصدی اولنان تضمینات ادعاسنک ردینه حکمدن عبارت اولوب اشبو اعلام علمینه مستدعی وکیلنک باشلوجه اعتراضی اساس دعوی اراضیه تعلق ایتمش اولدیغنی حالده اثنای محاکمه ده اراضی مأمورینک حاضر بولندیرلمدیغنی وکشف حقنده کی تقررک طرفینه تبلیغ قائمدیغنی خصوصلری اوله رق واقعا دعوی اراضیه متعلق اولق جهتیه اثنای محاکمه ده مأمور مومی ایهمک حضوری لازمه دن ایکن حاضر بولندیرلامسی وکشفک اصول محاکمه نك آلتش اوچنجی ماده سنده توفیق اولنماسی وعندالکشف تنظیم اولنان تقررک مواجهه طرفینده بعدالقرائه امر استجوابلرینک اجرا ایلاماسی مغایر اصول وقانون اوله رق مستدعی وکیلنک اعتراضاتی شایان قبول اولدیغنه وکشفه مأمور اولان نایبک حکمه مأذون اولماسی حسبیه اولباده استماع ایلدیکی شاهدلرک بتکرار حضور محکمه ده استماع وخصوصیه شهود مرقومه نك

مجلسه احکامیہ ترکیه علیه لرینک اجرا ایدلمسی مقتضی ایکن محکمه جه بورالینه دقت و رعایت اولندیغنه مبنی اعلام مذکورک نقضنه ۱ تموز سنه ۳۰۲ تاریخنده قرار ویرلدیکی « محتوی بولنشدرد .

٢٥٤٨ — مع مافیہ کشف و تحقیقاتی مبین نائب طرفندن اعطا قلنان و محکمه جه طرفین ویا وکیلارینه بررقطعہ صورتی تبلیغ اولنان تقریر طرفینک جلیله مواجه لرنده قرائت اولندیغنده کشف و تحقیقات واقعه حقنده برکونه اعتراض درمیان اولنیهرق تقریر مندرجاتی قبول اولندقدن صکره بالاخره بوبابده سرد اعتراض ایتمک جائز اوله مز .

محکمه تمیز حقوق دائره سندن ویریلان اعلامک نتیجه حکمی تمیز اولنان اعلامک مندرجاتنه نظراً مدعی طرفندن منازع فیہ دیوارک هدم ایدلدیکی بیانیله اقامه اولنان دعوادن طولایی بک اوغلی حقوق دائره سنجه اولا مذکور دیوارک کشف و معاینه سنه قرار ویریله رک تعیین اولنان نائب وارباب و قوف و معرفتیه طرفین حاضر اولدینی حالده امر معاینه سی بالا اجرا اولبابده تنظیم اولنان تقریرده دیوار مذکورک فضولی هدم اولندیغنی و اوچیوز آلتش بش چکی طاش وایکیوز طقسان ایکی غروش اجرت اعمالیه ایله هیئت اصلیه سنه ارجاع اولنه جنی کوسترلمش اولمسندنناشی دائره مرقومه جه اشبو تقریر مندرجاتنه استناداً مذکورالمقدار طاشی عیناً ویاخود مع نقلیه چکیسی ایکی غروش حسابیه بدلاً ایکیوز طقسان ایکی غروش اجرت اعمالیه ایله برابر تسلیم واعطاسنه حکم اولنمش اولدینی و مستدعی تمیز کرک اثنای کشف و معاینه ده وکرک ذکر اولنان تقریرک محکمه جه قرائتنده بالذات حاضر بولنمش ایکن شمیدیکی ادعاسی وجهله مذکور دیوارک اوزرنده طوپراق اولمسندن طولایی لایقوله معاینه اولنه مدیغنه دائره برادعا و افادانده بولنجیوب بالعکس تقریر مذکورک قرائتی متعاقب وقوع بولان استخوانده

بردیہ چکی اولدیغنی سولییه رک کشف واقعی قبول ایدلدیکی کبی اشبو کشف و معاینه ده برمنوال محرر ارباب و قوفک حاضر بولندیلدینی اعلام معترض علیہک عند التمیز محقق عدی مقتضای قانوندن اولان مندرجاتی جمله سندن بولندیغنی ملاسه سیله مستدعی مرقوم جانبندن دیوار مذکورک حین کشفنده ارباب و قوفک حاضر بولندیلدیغنه و اوزرنده طوپراق اولدیغندن بمثلله تکرار معاینه سی لازمکله چکنه دائره درمیان اولنان اعتراضات شایان قبول اولدیغنه و حکم واقع دخی قانونه موافق صورتده ایدوکنه بناءً اعتراضات مذکورک ردیه اعلام معترض بهک ۲۰ مایس سنه ۹۷ تاریخنده متفقاً تصدیقه قرار ویرلدیکی « مبنیدر .

TDV İSAM
Kütüphanesi Arşivi

No 24.1099

اشبو اعلام حکمندن مستبان اولدیغنه کوره مندرجاتی علیهنه بدایه استینافده اعتراض اولنسه شایان قبول اوله میه جنی کبی محکمه استینافجه اجرا ایدیلان کشفی حاوی تقریرک مندرجاتی طرفینجه قرین قبول اولدقدن صکره عند التمیز مذکور تقریره مبتنی اولان اعلام استینافی علیهنه اعتراض ایدلسه کذلک مستوع و ملتفت اوله مز .

محکمه تمیز حقوق دائره سندن بومسئله ده دائره صادر اولان اعلامک نتیجه حکمی « اعلام استینافی مندرجاتنه نظراً درجه اولی محکمه سنجه محل منازع فیهک کشف و معاینه سی ضمننده تعیین و محالنه اعزام اولنان ارباب و قوفک ویردیکی راپورطوده محل مذکورک مساحه سطحیه سی اوچ محل معیندن عبارت اولوب برنجی وایکنجی محلك اوچیوز الی و اوچنجی محلك دخی یالکز الی ذراع اولدینی کوسترلمش اولسی جهتیه محکمه بدایجه محل منازع فیهک مذکور تقریر موجبیه طرفینه مناصفه تقسیمی لزومی کوسترلمک لازمکلو رکن یالکز برنجی وایکنجی محلك مرکب اولدینی اوچیوز الی ذراعک مناصفه تقسیمی

کوستریله رک اوچنجی اولوب الی ذراعدن عبارت اولان محک منحصراً مستدعی به عائدیتله برابر مدعی علیه بلاموجب متصرف اولدینی محله بر سنه مدت ظرفنده دیوار انشاسیله محکومیتنه قرار ویرلمی و مدعی علیه جانبندن قرار مذکور علیه اقامه اولنان استیناف دعواسی اوزرینه سالف الذکر استیناف محکمه سنجه حکم ابتدائینک مخالف اصول وقانون اولدینی کوستریله رک فسخ ایدلمی جهته محل منازع فهک تکرار کشفی ضمنده طرفینک موافقت و قبولیه تعیین واعزام اولنان ارباب وقوفک ویرمش اولدقلمری تقریر احکامنک طرفین خاصمین جانبندن قبول وتصدیق قلمسی مالبسه سیله بموجب تقریر حکم وقرار ویرلدیکی اکلشلس و بومثللو درجه اولی محکمه سی حکمنک فسخیه عندالاستیناف طرفینک موافقت و قبولی اوزرینه تعیین اولنان اهل وقوف جانبندن ویریلان تقریرک احکام مندرجه سی هر ایکی طرفه قبول وتصدیق اولندقدنصکره محکمه استینافیه جه مذکور تقریره ابتداء للاحق اولان حکم واعلام علیه منده احد طرفیندن وقوعبولان اعتراض مسوع و ملتفت اوله میه جنی جهته مستدعی مرقومک اعتراضات واقعه سی شایان استماع کوریه مامش اولدیفندن ردیه اعلام استینافی حکمنک تصدیقنه ۱۶ شوال سنه ۹۹ تاریخنده متفقاً قرار ویرلدیکی « حاویدر .

§ ۲۵۵ — اجراسی لازم کلان کشف و تحقیقاتدن دولایی محل منازع فهه اعزام اولنه حق نائب واجتماع ایتدیریه جک اهل خبره و ارباب وقوف ایچون ویرلمی اقتضا ایدن اجرتک طرفیندن قلمسی جانبندن تسویه و ایفا اولنه جغه و خرج کشفک ندن عبارت بولنه جغه کلنجه موضوع بحث و تشریح اولان اشبو آلتش اوچنجی ماده قانونیه نک نهایتنده « اهل خبره و وقوفک محکمه جه قطع اولنه حق اجرت و یا خود یومیه سیله اعضانک مصارف

ضروریه سی حقسنز چیقان طرفه رجوع ایتک اوزره اول امرده کشفی طالب ایدندن آلتنه جقدر « دیو محرر اولسنه کوره اشبو خرج کشف ایلاروده حقسنز چقه جق طرفه عائد اولمق اوزره اول امرده طالب کشف اولاندن استینفا اولنه جنی صراحت مذ کوره ایله میندر .

کشف خرجی معین و مقطوع اولیبوب اهل خبره و ارباب وقوفک حال و شاننه و محل منازع فهک قریت و بعدیتنه و کشف و تحقیقاتک درجه سهولت و صعوبتنه و تدقیقات مذ کوره نک جزئیات و کلیتنه و بناء علیه اولباده کی مساعینک کلمتنه نظراً نسبت عادلده اولمق اوزره رؤسای محاکم طرفندن قطع و تعیین و اولباده نائبه ویریه جک قرار نامه ایله طرفینه تبلیغ اولنه جق صورتلرک زیرینه درج و ترقیم ایدلمک مقتضیدر .

آلتش دردیجی ماده — « قانوناً و نظاماً ممنوع و آداب عمومیه به مغایر و آسایش عمومی محل اولیان و شرائط قانونیه و نظامیه به موافق اولان مقاوله سندلرینک احکامی مرعی و معتبر عد اولنور فقط بومثللو مقاولات یالکر عقد امضا ایدنلر حقنده معتبر اولوب امضاسی اولیانلره شمولی اوله من . و آخرک حقوق و منافعه نه تجاوز ایتمز »

§ ۲۵۶ — اولاً اشبو ماده قانونیه ده قانوناً و نظاماً ممنوع اولدینی مذکور اولان مقاولات قمار ورشوت و سائر بونک کی صراحت قانونیه ایله ممنوع اولان احوال حقنده کی معاقداتدر .

ثانیاً آداب عمومیه به مغایر و آسایش عمومی محل اولان مقاولات دخی فعل شنیع و سرقت و سائر کی صرف حقوق عمومیه متعلق اولان و بناء علیه افراد اهلینک بوکا دائر عقد ایده جکاری مقاولاتک قانوناً و قاعده کائن لیکن حکمنده طوتلمسی لازمکلان احوال و معاملاتدن عبارتدر .

۲۵۷§ — ثالثاً شرایط قانونیه و نظامیه موافق اولان و آداب عمومیه ایله آسایش عمومی بی محل اولیان مقاولات طرفین متعاقدین بیننده بر قانون خصوصی حکمنده اولدیغندن مندرجاتی بونلر حقننده مرعی و معتبر طولق احکام قانونیه اقتضاسندن ایسه ده مقاولات مذکوریه امضا ایتمیان و بناءً علیه علاقه دار اولیان اشخاص ثالثیه بونلرک عدم تشمیلی طبیعت مصطلحت اقتضاسنددر .

مثلاً راهن مرتهنه معلومات و یرمکسزین و رضاسنی استحصال ایلکسزین مرهونی صامق اوزره شخص ثالث ایله مقاوله ایش اولسه ایشو مقاوله بی متضمن اولان سندک حکمنه فارغ ایله مفروغ له تابع و حکم مقاوله عاقدین بیننده مرعی و معتبر اولور ایسه ده فراغ واقع مرتهنک حقوقه تجاوز دیمک اوله جغندن ومع مافیه کندوسی مقاوله واقعه دن خبردار ایدلمدیکی کبی مقاوله سندنده امضاسی دخی بولمادینی جهتله رضاسی منضم اولمامش اولدیغندن ناشی قانوناً عاقدینک مقاوله سی مرتهنه شامل اوله منر .

کذلک طرفین بیننده منعقد اولان برصلنامه نك مدار حکم اوله بیلسی مندرجاتی نظام و قانونی محل اولمامق و شرایط قانونیه بی جامع بولمق ایله مشروطدر .

محکمه تمیز حقوق دائره سندن بومسئله حقننده صادر اولان حکم اعلامنده « اعلام استینافینک نتیجه مفادی مستأنف لک مدافعه درمیان ایتیکده اولدقبری محلولیت مسئله سی عائد اولدیغی محکمه ده هنوز مرتبه ثبوته واصل اولمادینی کبی مستأنف لک بومسئله دن بالرضا فراغت ایتدکاری حاله شمعی بونی سررشته ایدرک و قتیله رضای طرفین ایله عقد اولنان و مندرجاتی نظام و قانونی محل اولیان و شرایط قانونیه بی موافق بولنان صلنامه نك بطلاننی ادعا ایتلری مجله نك یوزنجی ماده سیله اصول محاکمه حقوقیه قانون موقتک

آلتش دردیجی ماده لری احکامجه شایان قبول اولدیغندن منازع فیه خانه حصه سنه مجرد محلولیت مسئله سندن دولایی مستأنف علیک مالک اولمادینی بولنده کی ادعایرینک ردیه قانون موقت مذکورک یوز طقسان آلتنجی ماده سنک فقره اولسی موجبجه قرار ابتدائی تصدیقاً قرار استینافی سابقک تأیید و ابقاسنه و محکوم به اولان یدی یوز الی لیرانک مع فاض مستأنف لردن لزوم تحصیلنه حکمدن عبارت ایسه ده اصول محاکمه حقوقیه قانون موقتک ذکر اولنان آلتش دردیجی ماده سی حکمنجه بویکی مقاولاتک مدار حکم اوله بیلسی نظام و قانونی محل اولمامق و شرایط قانونیه بی جامع اولق ایله مشروط اولدیغندن محکمه تمیزک قرار سابقنده بیان اولمادینی وجهله مدار حکم اتحاد اولنان مذکور صلنامه شرایط قانونیه بی جامع اولوب اولمادینی بیلتمک ایچون مستأنفک مصالح عنیه مالک اولوب اولمادینی حقننده تدقیقات مکمله اجراسیله تبین ایده جک حاله کوره بر حکم و قرار و یرلک مقتضی ایکن هنوز بو یولده تدقیقات لازمه اجرا ایدلمکسزین مذکور صلنامه بیه بناءً بوجه محرر حکم و یرلمسی مغایر اصول ایدوکنندن قانون موقت مذکورک ایکی یوز اوتوز ایشنجی ماده سی حکمنه توفیقاً اعلام مذکور ۲۷ تموز سنه ۳۰۱ تاریخیه نقض اولمش اولدیغی « مندرجدر .

TDV İSAM
Kütüphanesi Arşivi
No 28.1099

آلتش بشنجی ماده — « اثنای محاکمه ده ضبط کاتب لری محکمه رئیس یله اعضای موجوده نك اسامیسنی و ترجمان وار ایسه آنک دخی استنی و طرفینک و شهود اقامه اولمش ایسه آنلرک دخی اسم و شهرت و تابعیت لری ایله افاده لرینی و طرفیندن ابراز اولنان اوراق و سنداتک ایجابنه کوره عینلرینی یا خود خلاصه لرینی و دعوا یه تعلق ایدن احوالک تاریخ و قوعی و محکمه جه جریان ایدن تدقیقات و مذاکرات و یریلان حکم و قراری بر ورقة مخصوصه اوزرینه ضبط و ترقیم ایدرلر .

اشبو ضبط ورقه سی نهایت اوچکون طرفنده رئیس واعضای موجوده حضورنده لدی القرائه جریان ماده به موافق اولدینی تصدیق اولندقدن صکره بالتبیس زیری رئیس واعضای موجوده ضبط کاتبی طرفندن امضا اولنور .

بردعوانک محاکمه سی برکونده ختام بولیوب وقت آخرد ویاخود بعض تدقیقاته واستعلام واستشعاره تعلیق اولندینی حالده مؤخرأ جریان ایده جک معاملات ولاحق اوله جق قرارلر دخی منوال مشروح اوزره متسلسلاً ضبط وتحریر واعلامک تسوید وتنظیمه اساس اتخاذ قلدنور .

ضبط ورقه لرینک کافه سی نومرولی برورقه مخصوصه برسیاقده ودقتر طویته جق صورتده استعمال اولنورق آتی آیده رکره جلدلتدیریلوب ضبط جریده سی اتخاذ اولنور .

§ ۲۵۸ — اشبو ماده قانونیه نك فقره اولیسی اعلامات حقوقیه نك تنظیم وترتینه اساس اتخاذ اولنان ضبط ورقه لرینک نه یولده قلمه آله جغنی معرف اوله رق اصول محاکمه حقوقیه نك یوز یکریمی ایکنجی و یوز اوتوز آلتنجی ماده لرینه تقریب وتلفیق اولندقده اعلامات حقوقیه نك صکی حقیقده بر فکر اجمالی حاصل اولمش اوله جغندن مادتین مذکورینک مزج مندرجاتیه اولبایده تفصیلات آتیه اعطاسنه ایتدار اولنور .

اولاً اعلاماتک تنظیمه اساس اتخاذ اولنان ضبط ورقه لری بالاسنه هیئت محکمه نك اسامیسی ایله دعواى واقعه تشکیلات محاکم قانون موقتک التمش بشنجی ماده سنده تعداد اولنان خصوصاته متدائر اولوبده مدعی عمومینک مداخله سی لازم کلدیکی ویاخود دعواده تبعه اجنبیه دن بریسینک علاقهدار بولنسی حسسیله منسوب اولدینی قونسولاتو ترجمانک معاهدات

دولیه اقتضاسنجه اثنای محاکمه ده حاضر بولنسی ایجاب ایتدیکی تقدیرده کرک مدعی عمومینک وکرک ترجمانک اسملری دخی قید وتحریر اولنور .

ثانیاً مدعی تبعه عثمانیه دن اولدینی حالده ویرمش اوله جغنی عرضحالک واجانبدن بولندینی تقدیرده جانب سفارتدن ورود ایده جک تقریرک دعوایه تعلق قانونیسی کوریلان مندرجاتی ضبط ورقه سنده خلاصه اولنور .

ثالثاً اشبو اصول محاکمه حقوقیه قانونک یکریمی اوچنجی ماده سیله ماده مذکورده ولی ایدن مواد متعدده شرحارنده برتفصیل ایضاح اولندینی اوزره طرفینک محکمه به صورت جایی یعنی محکمه مباشری معرفتیه احضار ورقه سنک قانون دائره سنده بالتبایغ طرفیندن هرایکیسنک ویاخود بریسینک اصالة کلش ویاخود مرجعندن مصدق وکالتنامه یی حاملأ طرفندن وکیل کوندرمش ویا طرفین توکیل ایده جکی کیسه ایله برلکده کلوبده حضور محکمه ده تحویل وکالت ایش ایسه لر بومعاملات ایفا اولندقدن وتحریر وایشارت ایدلگدن صکره تشکیل طرفین ایچون لازم کلان تحقیقاتک اجرا قلندینی وتعبیر اخرله جلب اولنان کیسه تحت ولایت ویا وصایتده بولندینی تقدیرده طرفندن کلش اوله جق ولی ویا وصیسنک باحجت شرعیه اثبات صفت ایتدیکی ودعواى واقعه جوامع شریفه وکلایسا ومکتب وخسته خانه کبی وجوه بره متعلق اولدینی تقدیرده بونلر طرفندن حضوری لازم کلان متولینک احضار ودعوت ایتدیرلمش اولدینی وقریه اهالیسندن بولندینی تقدیرده بونلرک قوم محصور اولوب اولمدیغنیک تحقق ایتدیرلدیکی ومنزاعه واقعه دعواى عیندن عبارت ایسه ذی الیدلک مسئله سنک مجله احکامجه بنیه اقامه سیله حل ایدلدیکی وشرکت ویا ورثه دعواى ایسه شرکتک نوعنه کوره احضار اولنان کیسه نك شرکت مدیری ویا اعضاسی اولدینی ویا ورثه دن اولدینی وانحصار وراثتک تحقیق لازم ایسه نه یولده تحقق ایتدیرلمش ایدوکی

وافلاس دعواسی ایسه احضار تبلیغ اولنان کیسه نك ماصه سندیکی بولندی
ودعوی واقع و قفه متعلق ایسه متولی و قفک و اراضی به متدائر ایسه اراضی
مأمورینك دخی اثنای محاکمه حاضر بولندی بولندی خصوصاً اطفایله
ذکر و بیان اولنور .

رابعاً طرفینك صفتلری بوجه مشروح تحقیق و تعیین ایدلکدن صکره
ذکری سبق ایدن قرق دردنجی ماده قانونیه ده بیان اولندی اوزره مدعی
اولان طرفك استدعانا مه سنده مندرج ادعای تحریری شفاهاً دخی تکرار
واستدعانا مه مندرجاتی محتاج ایضاح اولدیغی تقدیرده تصویر و توضیح دعوی
ایتدیردیله جکی و بونك اوزرینه مدعی علیک مدافعهی استماع اولنه جفی
جهتله مدعی و مدعی علیک تحریراً و شفاهاً واقع اولان ادعا و مدافعهلرندن
حکمه مدار اولان جهتلی ايله رد اعضا وقوع بولور ایسه اسباب ردیه نك
خلاصه سی یازلق لازم کلور .

خامساً تصویر دعوی و توضیح مدافعهلر اولندقدن صکره طرفینك بکدی بکره
مقابل اثبات مدعا و یا مدافعهلر ضمنده سند و اوراق ابراز ایتمش ایسه لر
بونلرک عیناً و یا خود معناسی بوجهله تغییر اولنماق شرطیله خلاصه و اثبات
مدعا و یا مدافعهلر ماده لرلی شهادته تعلیق اولنمش ایسه اشبو اصول محاکمه نك
سکسان اوچنجی ماده سی موجبجه اقامه شهود ايله اثبات مدعا ایده جک
اولان کسه نه اول امرده اقامه ایده جکی شاهدلرک اسم و شهرت و محل
اقامتلیغی و بولردن بشقه شهادتی اولوب اولدیغی و اولدیغی تقدیرده کیملر
اولدیغی و نوقت اقامه ایده جکی بیان ایتمه مجبور اولدیغدن بوجهتلر
واستماع شهود اولندقدن صکره شاهدلر حقدنه طعن و اعتراض واقع اولمش
ایسه بوبابده کی اعتراضات ايله ترکیه شهود نه صورتله اجرا قلندیغی

خصوصاتی و تحلیف وانکار خط و خاتم وقوعنده بونلرک صور اجرائیه سی
درج و تحریر قلمتق لازم کلور .

سادساً محکمه جه طرفینك ادعا و مدافعاتی و صور ثبوتیه سی حقدنه
ایضاحات طاب اولنق و دوائر عانده سیله اجرای مختاریات ايله بوبابده کی
تفصیلات و النان اجوبه نك دعوايه متعلق جهاتی ايله مدار حکم اوله جق
معاملات و کشف و تحقیقات اجرا قلمتق ایسه صور اجرائیه سی و بوبابده
طرفینك اعتراضاتی وقوع اولمش ایسه آنلرک خلاصه سی کوستریله رک استیضاح
اولنه جق دیگر نقطه و حل ایدله جک بشقه برمسئله قلمدیغی اکلاشلدقدن
و تعلق دعوی حسبیله مدعی عمومی حاضر ایسه مطالعه سی الوندقدن صکره
رئیس محکمه طرفندن محاکمه نك ختام بولدیغی طرفینه علناً تقهیم ایدلیکی
یازیلور .

TDV ISAM
Kütüphanesi Arşivi
No 25.1099

سابماً محاکمه علنییه اولوجهله ختام و بولدقدن صکره هیئت محکمه نك
خفی اوله رق مذاکره مصیلت ایتسی لازم کله جکندن اصول محاکمه
حقوقیه نك مارالبیان یوز یکرمی ایکنجی و یوز اوتوز آلتنجی ماده لرلی احکامنه
توفیقاً ضبط ورقه سی و اعلامده تذکر جهتی آچیلورکه جهت مذکورده ضبط
و اعلامک اصل حکم محلی دیمک اولدیغدن بونك اوچ قسمه تقسیمیه
هر رینه عائد اولان خصوصاتک کمال اعتنا و دقتله قلمه آلتسی لازم کلور .

اقسام مذکورده نك برنجیسی جهت حکایه دن عبارت اولوب طرفینك
ادعا و مدافعاتنك نقاط مهمه و اساسیه سی برر برر درج و تعداد اولنور .

ایکنجیسی دخی هیئت محکمه طرفندن و بریلان حکم و قرارک علل
و اسباب موجبیه سی ايله بونك مستند اولدیغی احکام قانونیه دن عبارت اولوب
علل و اسباب مذکورده بناء مدعی و یا مدعا علیک ادعا و مدافعهلرندن

قنغیسی قبول و قنغیسی رد اولنش ایسه هیچ بری مسکوت عنه براغلیه رق کافه سنک ذکر یله صورت قبول و یا رد و جرحی کوسترملک اقتضا ایدر .

اوچنجیسی ایسه نتیجه حکم دیمک اوله رق بونده دخی طرفینک ادعا و مدافعات مبسوطه سنه و محکمه جه ارائه اولنان اسباب موجبیه و مواد قانونیه به مبنی دعوانک رد و یا قبول اولندیگی و مصارف محاکمه ایله ضرر و زیانک و جزای نقدی تحصیلنه قرار و برلش ایسه آنک قنغی طرفدن تحصیل لازم کله چکی و بوقرارک قنغی نارینجده و اتفاق و یا اکثریت آرا ایله و برلدیکی یازملق احکام قانونیه اقتضاسندندر .

§ ۲۵۹ — ضبط ورقه لر یله اعلاماتک حاوی اولسی لازم کلان مواد آنفهدن بعضیسی ایکنجی درجه ده حائز اهمیت اولدیغندن بونلرده ذهول و قوعی فسخ و نقض اعلامی موجب اولز ایسه ده اکثریسی صورت محاکمه نك اصول قانونیه سی دائره سنده جریان ایدوب ایتدیکنی و محکمه قرارینک احکام قانونیه به توفیقاً لاحق اولوب اولدیغنی مشعر و مبین اولدیغندن بونلرده وقوع بوله جق ذهول و خطایا تقایص اساسیه دن اوله رق اعلامک فسخ و نقضی موجب اولور .

متن ماده قانونیه ده مسطور اولدیگی اوزره اعضای محکمه ایله ترجمان استملرینک ضبط ورقه سی بالاسنده ذکر و تزییری لازمه دن ایسه ده ضبط ورقه سنه تطبیقاً تنظیم اولنه جق اعلامده اعضای هیئتک استملری یازملاق محاکم عثمانیه ده اکثریت اوزره متخذ اولان اصول اقتضاسندندر .

دعاوی مختلطه ده ترجمانک و حقوق عمومیه به تماس ایدن موادده مدعی عمومینک و اراضی و وقف دعوا رنده اراضی مأموری ایله متولی و وقفک حضور ی شرائط قانونیه دن ایسه ده بونلرک اعلامده اسم و شهرت لرینک

یازملامسی اسباب تقضیه دن دکدر فقط عائدتی جهتیه حاضر بولنملری لازم کلان دعاوی حقنده حاضر بولندقلری ذکر اولنلر سه اعلامات مذکوره هر حالده نقض اولنمق لازم کلور .

مثلاً قانوناً حضور ی لازم کلان مأمورین اثنای محاکمه ابتدایه ده موجود بولنماش ایسه بوحال مخالفت اساسیه قانونیه دن اوله جنی کبی موجود بولنش اولوبده حاضر بولندقلرینه دائر اعلاماتده صراحت و اشارت کور یله منر ایسه چونکه مافوق محکمه سنجه مأمورین موسی ایتمک حضورینه دائر اعلامده صراحت کور یله مامسی جهته بالطبع محاکمه ده حاضر بولندیرلماش عد اولنه جقندن اولبایده کی اعلامک دوچار فسخ و نقض اولسی طبیعیدر .

بوایده محکمه تمیز حقوق دائره سنندن لاحق اولان اعلامات متعدده نك برنجیسی « دعاوی واقعه ده یتیم بولندیگی و ذات مصلحت اجارتین ایله تصرف اولنان وقف خانه به متعلق اولدیگی حالده مدعی عمومی و متولینک حضور ی لازم کلور ایکن عندالمحاکمه مدعی عمومی و متولینک حاضر بولندیرلماش اصول و قانونه و محله احکامنه مغایر بولنش اولدیغندن اصول محاکمه حقوقیه قانون موقتتک ایکی یوز اوتوز ایکنجی و ایکی یوز قرق برنجی ماده لر ی موجبیه اعلام مذکورک ۲۴ ذی الحججه سنه ۳۰۰ تاریخنده متفقاً نقض اولندیغنی »

وایکنجیسی دخی « تمیزی طلب اولنان بدایت محکمه سی اعلامنک نتیجه مفادی منازع فیه ترانک حافظ علی افندی عهده سنده عاریت ایدوکی وغائب عبدالرحمانک وفات ایتدیگی اصولاً ثابت اولمسلیه اراضی قانوننامه سی احکامنه توفیقاً اسماعیل افندی به تسلیم و اعطا ایتدیلمسنه حکمدن عبارت اوله بور ایسه ده بوکی عقار و اراضی به متعلق دعاوی نك اثنای محاکمه سنده اراضی مأمورینک حضور یله برابر اول امرده اراضی

مذكوره به قننى طرفك واضع اليد اولديغنىك بالبنيه اثبات ايتديرلمسى قانونا مقتضى اولديغىي حالده محكمه مذكوره جه مأمور موسى اليه حاضر بولنديرلماسى اولديغىي وذى اليدلك خصوصتك دخى بالبنيه اثبات ايتديرلماسى يولسى اولديغىي اصول محاكمه حقوقيه قانون موقتتك ايكي بوز قرق برنجى مادهسى موجبجه اعلام مذكور ٢٧ ذى القعدة سنه ٣٠١ تاريخيله متفقاً نقض ايدليكنى « مبذير .

§ ٢٦٠ — تجارت محكمهسى بولغىيان قضا ولورده دعاوى تجاريه نك محلى بدايت محكمه سنده تجارت محكمهسى صفتيله رؤيت اونمى احكام قانونيه اقتضاسندن اولديغىي اوليله برحال وقوعنده دعوانك يالكر تجارت قانوننامهسى احكامنه توفيقاً فصل وحسم اولنديغنىك اعلامده ذكر ودرجى كافى اوليوب هر حالده محكمه نك اعضاى دائمه سندن ماعدا تجار دن وياتجارت او طهسى جانبندن منتخب اعضانك دخى اثنائى محاكمهده حاضر بولنديرلديغىي اشارت اولمق لازمه دندر . عكسى تقدريده ويريله جك اعلام عند التميز نقض اولنور .

محكمه تميز حقوق دائره سندن بومسئله حقنده لاحق اولان اعلاماتدن برنده « طرفين يبنده تحدث ايدن دعوى امور تجاريه به متعلق كراسته اخذ واعطاسندن متولد بولنديغنه وتجارت محكمهسى بولغىيان قضا لورده تحدث ايدن بومثللو امور تجاريه به متعلق دعاوينك قضا بدايت محكمه سنده تجارت محكمهسى صفتيله رؤيتى تشكيل محاكم موقتتك اونجى ماده سنده مصرح ايسهده دعاوى مذكوره نك اثنائى رؤيت وتديقنده ذيل قانون تجارت موجبجه قضانك معتبران تجارى طرفندن منتخب اعضا بولنديرلمسى ماده مذكوره جمله احكامندن اولديغىي حالده خصوص مذكورك تجارت محكمهسى صفتيله رؤيت وفصل ايدلمش اولديغنه دائر اعلام معترض هده بركونه قيد

واشارت بولنديغنه بناءً دعاوى مجوٹ عنهانك محلى بدايت محكمه سنده فصل وحكم اونمى يولسى وذكور اولنان ماده قانونيه احكامنه مخالف بولنش اولديغىي اعلام مذكورك نقض ايدلمش اولديغىي « كوستلمشدر .

§ ٢٦١ — بحريه محكمهسى بولغىيان مواقعده امور بحريه به متعلق دعاوى تجارت محاكمى رؤيت ايتديكى تقدريده اولبابدهكى اعلامده دعوانك محكمه جه نه صفتيله رؤيت ايدليكنك تعيين وتصريح اونمى لازم دكلدر .

محكمه تميز حقوق دائره سندن بومسئله دائر لاحق اولان اعلامك فقره حكيمهسى « محكمه استيناف تجارت قسمجه خصوص منازع فيهم ازميز محكمه تجارتيه تجارت بحريه قانوننامه سنه توفيقاً رؤيت اولنديغنىك ويريلان اعلامده تصريح ايدلماش وتجارت بحريه محكمه لرينك امور بحريه به متعلق دعاوى بحريه به محكمهسى صفتيله رؤيت ايتديكى اعلامنده تعيين ايتديكى حالده بحريه صفتيله رؤيت ايتش نظريله باقيه جنى دركار بولنش اولديغىي بيانيله اعلام ابتدائى مذكورك فسخته قرار ويرلمش اولوب آنجق تجارت بحريه محاكمى بولغىيان مواقعده امور بحريه به متعلق اولان بومثللو موادى تجارت بحريه قانوننامه سنه توفيقاً تجارت بحريه محاكمك رؤيت وحكمه مأذونيتى دركار اولمسيه خصوص مجوٹ عنهانك ازميز محكمه تجارتيه بروجه محرر بحريه محكمهسى صفتيله رؤيت وفصلى موافق اصول اولديغىي ويريلان اعلامده خصوص مذكورك نه صفتيله رؤيت وحكم اولنديغنىك تعيين وتصريحى لزومى متضمن بر فقره قانونيه موجود اولديغىي جهتله محكمه استيناف تجارت قسمجه اسباب مذكوره استناداً اعلام ابتدائى مذكورك فسح ايدلمسى يولسى ومعاير اصول وقانون بولنش اولديغىي اصول محاكمه حقوقيه قانون موقتتك ايكي بوز اونوز ايكنجى مادهسى موجبجه اعلام استينافى مذكور نقض ايدلمكله صور محرره دائره سنده تعديل واصلاح ايله

حکم اولتمق اوزره کیفیتک قسم مذکوره اعاده سنه ۹ صفر سنه ۹۸ تاریخیده متفقاً قرار ویرلش اولدیغنی « متضمندر .

§ ۲۶۲ — طرفینک محکمه یه جلب واحضاری انحق مباشر معرفتیه تبلیغ اولنه حق ورقه دعوتیه ایله جائز و ممکن اولوب واسطه دیگر وطریق آخرله جلب واحضار معامله سنک احکام قانونیه یه عدم موافقتی درکار اولغله طرفینک اصول وقانون دائره سنده محکمه یه جلب ودعوت ایدلمش اولسنک اعلامده تصریح اولغنی لازمدر .

§ ۲۶۳ — کذلک طرفین قانون دائره سنده جلب واحضار اولنهرق محکمه یه یالکزر برسی و یا هر ایکسی کدیگی ودعوانک غیاباً و یا خود و جاهاً رؤیتی تقرر ایلدیگی حالده طرفینک صفت حائز لری اطرافیه بالتحقیق تشکیل طرفین قاعده اساسیه سنه رعایت اولتمق قانوناً مستلزم اولدیغندن طرفینک اصالة و یا وکالة و یا ولایة و یا وصایة حاضر بولمش اولقلری اعلامده تصریح اولتمز ایسه قاعده اساسیه سی وجهله تشکیل طرفین ایدلمکسزین حکم لاحق اولمش دیمک اوله جغندن احوال مذکوره اسباب تقضیه اساسیه دن عد اولنور .

§ ۲۶۴ — کذلک دعوی واقعه وجوه بره متعلق اولدیغنی تقدیرده خصومت انحق متولی اولان ذاته توجه اتمک احکام قانونیه مقتضاسندن اولغله متولیدن ماعدا هر کیم طرفیند و هر کیمک علیه اقامه دعوی اولتمش اولور ایسه اولسون بویولده اقامه اولنه حق دعوی اوزرینه صادر اولان اعلام تشکیل طرفین ایدلمکسزین ویرلش اوله جغندن ناشی موجب نقض اولسی طبیعیدر .

§ ۲۶۵ — کذا دعوی واقعه قریه اهللیسی بیننده و یا اهلینک

لهنده وعلیهنده تصدی اولتمش اولور ایسه بولرک کافه سنه می یوخسه ایچلرندن بعضیسنه خصومت توجه ایدوب اتمیه جکی اکلاشلق ایچون مجله احکامه بنجه قوم محصور اولوب اولمدقلرینک تحقیق اولغنی لازمه دن اولدیغنی کبی عمومه متعلق اولان دعوالرده عامه دن بریسنه دخی خصومت توجهی بینه احکام مجله اقتضاسندن اولدیغندن قریه اهللیسنک قوم محصور اولوب اولمدقلرینک و منازعه واقعه نك عامه یه تعلق ایدوب اتمدیکنک بالتحقیق اولوجه له قانون دائره سنده تشکیل طرفین اولدیغنی اعلامده ذکر اولتمز ایسه عندالتیمز نقضی استلزام ایدر .

§ ۲۶۶ — دعوی عینده منازع فیه اولان عین کرب منقول اولسون و کرب غیر منقول بولسون خصومتک ذی الید اولان طرفه توجیه اولغنی مجله نك احکام صریحه سنندن اولدیغنی کبی ذی الیدک ماده سنک بینه شخصیه اقامه سیله اثباتی لزومی بینه مجله احکام عدلیه ده مصرح بولندیغنه منبى طرفیندن برینک عین منازع فیه ذی الید اولدیغنی تحققی ایتدی و یا خود خصم طرفی ذی الید اولدیغنی اقرار ایلدی کبی تعبیرات سردی غیر جائز و چونکه ذی الیدک خصوصنده طرفینک تصادقی غیر کافی اولوب بناء علیه بوضورتده مسئله مجبوت عنها قانون دائره سنده حل اولتمش دیمک اولیه جغندن تنظیم اولنان اعلامانده طرفیندن قنغیسنک ذی الید اولدیغنی شاهد اقامه سیله اثبات اولدیغنی و شاهدلرک سراً و علناً ترکیه لری اجرا قانیدیغنی صراحة کوسترلمک و جائبدندر .

§ ۲۶۷ — شرکت ویا ورثه و یا خود افلاسه متعلق دعاویده دخی تفسیری سبق ایدن یکریمی آلتنجی ماده شرحنده ایضاح اولدیغنی اوزره شرکتک نوعه کوره مدیر و یا اعضاسندن برینه و ورثه دن اولنان دعوانک صورت تصویرینه کوره کافه سنه و یا ایچلرندن بریسه و افلاس ماده لرنده

غرما وصیلری دیمک اولان ماصه سندیکارینه خصومت توجه ایده جکندن بونلرک شو صفتلری حائر اولدقلری اطر ایلله تدقیق اولنهرق ونه صورتده اثبات صفت اولنمش ایسه اعلامده تصریح ایدیلهرک تشکیل طرفین قاعده سنه رعایت اولندیغی کوسترلمک لازم کلور .

بومسائل حقنده § ۱۹ و § ۷۶ و § ۷۷ اشارتلی فقره لرده مندرج اعلامات وتفصیلات بوباده دها زیاده ایضاحات اعطاسنه حاجت بوراقامش اولدیغندن تفصیلات مذکوره به وبداهت مسئله به بناء بوباده کی اعلاماتک بوراده درجندن صرف نظر قلمشدر .

§ ۲۶۸ — طرفین بروجه مشروح تشکیل اولدقدن صکره تدقیق دعوايه مباشرت اولنه جنی جهتله برنجی دفعه اولهرق سسوزه ابتدار ایدن مدعینک تحریراً ویا شفاهاً ویاخود عرضحالی مندرجاتنه عطفاً تصویر دعوی ایتدیگی وثبوت مدعا ضمننده ابراز ایلدیگی سسند ویا دفتر ویاخود اوراق سائره نهدن عبارت اولدیغی وشاهد ایلله اثبات مدعا ایتمش ایسه شاهدلرک اسم وشهرتاری نه ایدوکی وشهادتک دعوايه مطابقت وعدم مطابقتی وشهود مرقومه نك امر تزکیه لرینک بالاجرا عدل ومقبول الشهاده اولوب اولدقلری اطر ایلله اعلامده یازلملیدر .

§ ۲۶۹ — مدعینک اولوجهله تصویر ایتدیگی دعواسنه قارشو مدعی علیک نه یولده مدافعنه ایلدیگی و ابراز اولنان سسندات واوراق ودفاتر کندوسنه ارانه وتبلیغی طلب اولنمش ایسه بالتبلیغ ویا خاتم وامضاسنی تصدیق ویا انکار ایدوب ایتدیگی ویا تضيعات وساخته کارلق ادعاسنده بولندیغی تقدیرده بوکا دأر دلائل وامارات قویه کوریلوب کورلمدیگی ویاخود مدعینک دعواسنه قارشو دعواي متقابله درمیان ایتمش ایسه بونک

اثباتی کندوسنه تکلیف اولنوب اولندیغی والحاصل حق مدافعنه اهم حقوق اولدیغندن بونک بالاطراف استماع وتدقیق اولندیغی اعلامده تصریح قلمتی لازمدر .

IDV ISAM
Rütüphanesi Arşivi
No 2E.1099

§ ۲۷۰ — مدعی دعواي واقعه سنی ومدعی علیه صورت مدافعنه سنی اثباتدن اظهار عجز ایتدیگری تقدیرده یکدیگرینه یمین تکلیفنه صلاحیتلری کورلمش ایسه مجله نك تحلیفه دأر اولان احکامنه توفیقاً یمین تکلیف اولنوب اولندیغی ویا حاکم طرفندن رأساً یمین استظهار ویرلمک لازم کلدیگی تقدیرده بونک دخی اویله جه اجرا اولنوب اولندیغی وکشف ومعاینه به ویا اهل وقوف معرفتیه تدقیقات اجراسنه لزوم کورلیدیگی حالده هیئت کشفیه نك وارباب وقوفک قانون دأر سسنده انتخاب وتعیین قلمندیغی ذکر اولنهرق دعوی ومدافعاتک صور ثبوتیه سی قانوناً اكمال ایدلمش اولدیغی کوسترلمز ایسه عندالتمین نقضی موجب اوله جغندن بورالری نك دخی اعلامده مندرج بولنمی واجبه دندر .

§ ۲۷۱ — محکمه طرفینک ادعا ومدافعاتنی استماع ایتدکن صکره حکمه مدار اوله حق هر نه نقطه ماده ویا قانونیه کورر ایسه بونی طرفیندن استیضاح ایتدیگی واثبات مدعا حکمنده ابراز اولنان اوراق وسسندات ویا درمیان اولنان دلائل وینات حکمه کافی کورلمدیگی صورتده دیگر یولده اثبات مدعا ودفع دعوايه مدار اوله حق هر نه دلائل وار ایسه سرد و ابراز ایتلری تکلیف اولندیغی وانک اوزرینه محاکمه به ختام ویرلیدیگی اعلامده ذکر وتصریح اولمیدرکه دعوانک کمال بیطرفی ایلله موشکافانه تحقیق وتدقیق اولندیغی اکلاشیله بیلسون .

§ ۲۷۲ — اعلامات حقوقیه نك بالاده کوسترلیدیگی اوزره حاوی اولمسی لازم کلان اقسام نائهدن صورت جریان محاکمات ومعاملاتی مبین

اولان قسم اول بوجه مشروح تنظیم و ترتیب اولندقدن صکره محکمه جه اتخاذ اولنان حکم و قرارک درج اولنسی اقتضا ایدرکه اشبو قسم نانی اعلاماتک « تذکر محلی » دیمک اوله رق نظر قانونده اهمیت فوق العاده پی حائر در .

تذکر محلی طرفینک حکمه مدار اولان ادعا ومدافعاتی و محکمه جه اجرا ایدیلان تدقیقات و کشفیات و تحقیقات ایله ابراز اولنان اوراق وسنداتک مندرجاتی نظر مطالعه ایله آنحق صورتیه تنظیم ایدمک قانوناً لازمهدندرکه شو حالده تذکر محلیک جهت اولیسی مدار حکم اولان ادعا ومدافعاتک خلاصهسندن عبارت اولوب بونده طرفینک ادعا ومدافعات واقعهسنک رد ویا قبولی یولنده حاصل اولان دلایل وامارات ایله اولبایده استناد اولنه حق مواد قانونیه درج و ایراد اولنه رق لاحق اولان حکم و قرارک علل واسباب موجب قانونیه سی بر تفصیل کومستلم مقتضیات قانونیه دندر مدعی ویا مدعی علیهک ادعا ومدافعاتی قبول و تصدیق ویاخود رد وجرح ایدر اسباب قانونیه ودلائل وامارات ثبوتیه صورت واضحده سرد واتیان ایدلکدن صکره نتیجه حکم دیمک اولان امر وتبیه قانونی مواد متعلقه سیله برابر اعلامده درج وتزیر اولنورکه اعلاماتک اشبو قسم ثالثنده محکوم علیهک نه ایله ونه مقداره محکوم وملزم اولدینی ومصارف محاکمهک هانکی طرفه راجع ایدوکی وجنس ومقداری وضرر وزیان ویا جزای نقدی حکم اولنمش ایسه طرفیندن هانکیسینه عائد بولدینی وحکم واقمک غیابی ویا وجهی اولدینی وموقتاً اجراسنه دخی قرار ویریلوب ویرلمدیکی وصورت قطعیهده ویاخود قابل استیناف اولق اوزره درجه اولیده ویرلمش اولدینی تصریح ایدلکدنصکره رقله اولیه رق حروف ایله یوم وتاریخ حکم وقرار دخی ذکر وترقیم اولنور .

اعلاماتک تنظیمه اساس اولان ضبطنامه لریک محکمهده جریان ایدن معاملات ومحاکماتی و ابراز اولنان اوراق وسندات مندرجاتی حاوی اولیسی لازم اولغله برابر حکمه مدار اولیان وطرفینک استدعا ولایحله لری مندرجاتی تفصیل وتکرارندن عبارت وحکامی اقناع یولنده مسرود اولان افادات ومقالاتک ضبطندن وعیناً درجه لزوم کورلیان اوراقک تمامی مندرجاتندن صرف نظره انکار وقرار کی قانوناً مدار حکم اتخاذ اولنه ییله حک افاداتک ضبطیه اکتفا اولنسی ۱۲ شعبان سنه ۹۶ و ۱۹ تموز سنه ۹۵ تاریخی تخریرات عمومیه مقتضاسندندر .

§ ۲۷۳ — اعلامات نظامیه هیئات محاکمک مذاکره ومباحثاتی اوزرینه تقرر ایدن حکملری حاوی اولدیغنه نظراً احکام مذکورنک اتفاق ویا اکثریت آرایله ویریلوب ویرلمدیکی دخی اعلاماتده ذکر اولنحق لازم کلور آنحق اقلیتده قالان آرای محکمهک نه صورتده اولدینی اعلامده تصریح ایدلمسی اقتضا ایتمه ایسهده اعلام ضبطنامه لرینه درجی لزومی مبین اولان ۱۰ رمضان سنه ۹۸ و ۲۴ تموز سنه ۲۹۷ تاریخی تخریرات عمومیه بوجه زیر درج وتزیر اولنور .

TDVİSAM
Kütüphanesi Arşivi
No 2611099

« مواد حقوقيه و جزائیهیه دائر ویریلان حکملرده مخالف رابده بولنانلرک اسباب مخالفتلرینک صورت تخریر وارانسه سی حقنده بعض طرفندن استفسار معامله اولنسنندن دولایی کیفیت انجمن عدلیهیه لیدی الحواله بردهوايه اکثریتله حکم اولدینی صورتده تنظیم اولنه حق اعلامک حکم رنده « اکثریتله » کلمه سی وضع وعلاوه اولنه رق اعلاماتک علی العموم محکمه مهریله تختم اولنلری ومخالف رابده اولوب اقلیتده قالانلرک رأیلرینک طبیعی حکمی اوله مامسی جهتیه بورایلرک اعلاماتک زیرینه درجیه مافوق

محکمه‌سندده تدقیقنه لزوم اولیه‌رق یالکر مخالف رأیده بولنانلرک اسباب مخالفتلوی اعلام ضبطنامه لرینه درج اتملری لازم‌کله چکی افاده قلمش و کیفیت لازم کلنره تبلیغ اولنمش اولمغله اولبابده ایفای معامله اولنمسی »

§ ۲۷۴ — ماده مشروح بهانک فقره ثانیه‌سی بوجه محرر اعلامات حقوقیه‌نک تنظیم و ترتیبه اساس اتحاد اولنان ضبط ورقه لرینک وقت وزمانیه قلمه النمسی لزومی امردرکه محکمه‌یه عرض اولنان دعوی شاید برحاکمه‌ده فصل وحسم اولنمش ایسه بونک وقت وزمانیه اعلامی ویریه نیلک ایچون اساسی اولان ضبط ورقه‌سنک سرعت ممکنه ایله قلمه الزهرق هیئت محکمه‌یه تصدیق ایتدیرلمسی لزومی بیدار اولدینی کی دعوا‌ی واقعه‌نک برکونده محاکمه‌سی ختام بوله میوبده یوم آخرده تکرار محاکمه‌یه لزوم کورلدیکی و بناء علیه براینکیجی ضبط ورقه‌سی تنظیمه دخی حاجت مس ایتدیکی تقدیرده اشبو اینکیجی ضبط ورقه‌سنک تنظیمه ایتدار اولنه نیلک ایچون برنجیسنک تنظیم و هیئته تصدیق ایتدیرلمش اولمسی الزمدر .

ایشته بولزوم حقیقی‌یه مبنی ضبط ورقه لرینک هر حالده ختام محاکمه تاریخندن اعتباراً اوج کون ظرفنده تنظیم و ترتیبک امر اولنمش اولسنده کی اصابت قانونیه تفصیلدن ازاده‌در شاید کاتب محکمه ضبط ورقه لرینک وقت وزمانیه تنظیم و هیئت محکمه‌یه تصدیقنه غیرت ایتدیوبده وظیفه‌سنده مساحمه و تکاسل ایله معاملات محکمه‌ی و بوصورتله حقوق اصحاب مصالحی تعویق و تاخیره باعث اولورسه حقنده مجازات انتباهیه انفاذی مقتضی اولمغله برابر مساحمه‌ده اصرار کی حالانک وقوع و تکراری تقدیرنده دخی محکمه لرینک تقریری اوزرینه عزل و تبدیلی خصوصی مقام نظارتنه عرض و اخطار اولنلق لازم‌کلور .

§ ۲۷۵ — بردعوانک محاکمه‌سی برکونده ختام بولیوبده الکالی

یوم آخره تعایق اولن‌دینی و استماع دعوا‌یه دوام ایله اجرای تحقیقاته لزوم کورلدیکی تقدیرده ماده قانونیه‌نک اوچنجی فقره‌سنده مسطور اولدینی اوزره ضبط ورقه لرینک هر یوم محاکمه ایچون متسلسلاً تنظیمی مقتضیات قانونیه‌دن اولدینی کی رؤیت دعوی یوم آخره تعایق اولنمسی اوزرینه هیئجه تبدل وقوع اولدینی حالده یکیدن نصب و تعیین اولنان اعضا و یا رئیسک محاکمات مسبقه‌یه بالطبع عدم معلوماتی حسب‌ایله محاکمه سابقه هیئت جدیده حضورنده تکرار ایتدیرلمک و یا خود اشبو افادات و محاکماتی حاوی اولان ضبط ورقه‌لری اثنای محاکمه علنیده قرائت اولنلق قانوناً مقتضیدر . زیرا بردعوانک محاکمه‌سنی استماع ایتماش اولان حاکم طرفینک ادعا و مدافعانک صورت جریاننه بالطبع وقوف نامی اوله‌میه جنی و حضورنده جریان ایتیمان احوال حقنده کی تقدیری ازاده نقصان اولیه‌جنی جهتله برحاکمک استماع ایتدیکی بردعوا‌ی حقنده رأی و یرمسی قواعد کلیه قانونیه‌یه نظراً جائز اولدینی بدمیدر .

حاکمک محاکماتی استماع ایتمسی لزومی مجله احکام عدلیه‌نک ۱۷۹۴نجی ماده‌سی حکمنجه طرفینک صوت قول‌لرینی ایشیده‌میه‌جک مرتبه صاغر اولان کسنه‌نک قضاسی جائز اولیه‌جغنک مصرح اولمسیله دخی مستدل اولدینی کی طرفینک ادعا و مدافعاننی استماع ایتیمان حاکمک دعوا‌یه حکم ایتمسی جائز اولیه‌جنی حقنده محکمه تمیز حقوق و جزا دائره‌لرندن صادر اولوب جریده محاکمک ۱۶۱۵نجی صحیفه‌سنده محرر ۱۰ ذی‌القعدة سنه ۹۹۹ تاریخلی وینه جریده مذکوره‌نک ۳۵۷۸نجی صحیفه‌سنده مندرج ۶ جمادی‌اول سنه ۳۰۱ و ۲۱ شباط سنه ۹۹ تاریخلی و ۲۲۳۲ نومرولی اعلاملر ایله دیگر متعدد اعلامات احکامی و اولبابده دائره مشارالیه‌نک هیئت عمومی‌سنجه لاحق اولان ۲۰ شوال سنه ۳۰۰ تاریخلی برقرار ایله دخی مؤیددر .

آلتش آلتنجی ماده — « قرار قرینه علمینه دعوانك اصل حکمندن صکره استیناف اولنه بیله جکی مثللو استیناف فصلنده بیان اولنه جنی وجهله قبل الحکم دخی استیناف اولنسی جائدر . بناءً علیه دعوانك رؤیتی ائشاده بویله برقرار ویریلوبده طرفیندن بری اشبو قراری استیناف ایده جکنی بیان ایله دعوانك تأخیر رؤیتی طلب ایدر ایسه استیناف محکمه سنه مراجعت ائلك اوزره برهفته مهل ویریلرک اول قرار قرینه یی متضمن کندوسنه برقطعه اعلام اعطا اولنور . اگر استیناف محکمه سی محکمه ابتدائیه نك بولندینی شهرده دکلسه مهل مذکور اوزرینه هر آلتی ساعت ایچون ایکیشر کون ضم اولنور .

اعلامك اعطا وتبلینی تاریخندن اعتباراً مهلك ختامنه قدر استیناف استدعاسنك ویرلدیکنی مبین بر علم وخبر ابراز ایتمز ایسه خصمك طلبی اوزرینه جلب اولنورق دعوايه دوام اولنه جقدر . شوقدرکه مهل انقضاسیله دعوايه دوام اولندینی ائشاده استیناف اولندینی اثبات اولنور ایسه استینافک نتیجه قرارینه انتظار اولنه جقدر .

TDV İSAM
Kütüphanesi Arşivi
No 2E.1099

لاحقه

دعاوینك رؤیتی ائشاده حسب الايجاب ویریلان قرارلر درت نوع اولور . برنجیسی قرار اعدادی ایکنجیسی قرار موقت اوچنجیسی قرار قرینه دردنجیسی قرار قطعیدر .

قرار اعدادی دعوانك تحقیق ورؤیتنی تسهیل وتبجیه حکمنی اعداد ایدن برتدیری مبین اولان قراردر . [۱]

[۱] « مثلاً بالاده بیان اولندینی اوزره ردعوانك مبرلره حواله اولنسی ومنازع فیله اولان عقارک کشف ومعاینه ایداسی حقتنده ویریلان قرارلر قرار اعدادیدر .

قرار موقت دعوی صورت قطعیده فصل وحکم اولنوزدن اول موقتاً اتخاذ اولنسی لازم کلان برتدیری متضمن قرار دیمکدر . [۱]

قرار قرینه دعوانك رؤیتنی تسهیل وتبجیه حکمنی اعداد ایله برابر اشبو حکمک نه اوله جفنی هان احساس ایتدین برتدیری مبین قراردر . [۲]

قرار قطعی دخی دعواپی فصل ایدن یعنی دعوی انکله محکمه ده ختام بولان قراردرکه نهایت حکم دیمکدر . کرک قرار اعدادی وکرک قرار موقت دعوانك حکمندن صکره اول حکم ایله برابر استیناف اولنه بیلوب بوقسه اولجه اولنه ماز . «

§ ۲۷۶ — متن لاحقه قانونیه دن مستفاد اولدینی اوزره بر دعوانك ائشای رؤیت ومحاکمه سنده برجهتی حقتنده تدقیقاتک تمیقی ضمننده بر محلدن استعلام کیفیت اولنق ویا اوراق وقیود رسمیه جلب ایدلک ویا دعوی طولاشق وپرورلی اولدیفندن ویا خود لاجل الاحتجاج ابراز اولنان اوراق وسنندات انکار ایدلدیکندن طولایی مبرلره ویا اهل خبریه حواله قلمنق ویا اثبات مدعا ضمننده شاهد استماع واثباتدن اظهار عجز تقدیرنده مبین تکلیف اولنق ویا اعضای هیئتدن برینک اسباب قانونیه به مبنی ردی ویا بر شخص ثالثک دعوايه دخالتی ویا وظیفه وصلاحت اعتراضینک

[۱] مثلاً منازع فیله اولان اشیانک محذور ویا تهلکه دن وقایه سی ایچون موقتاً محافظه آلتنه آلتسند قرار ویرلسی کی .

[۲] مثلاً برکیمسنه نك لزوم تحلیفی و بر شرکت عقدک دیندن طولایی شریک اولدینی ادعا اولنان شخصک شریک اولدینی حقتنده ویریلان قرارلر درکه اول کیمسه مبین ایتمز ایسه علمینه حکمی اولنه جفنی واول شخصک شریک اولسی شرکتک دینندن محکومیتی مستلزم اوله جفنی ملبسده سیله ذکر اولنان قرارلر بعده ویریله جک حکمی احساس ایتدیرر . «

سردی تقدیرنده معامله قانونیه اجرا اولمق کبی مسائلک حل وحسمی لازم کله بیلور .

ایشته بومقوله مسائل حادثه نك فصل وحلی ضمننده محکمه جه ویریلان قرارلر اعدادی وموقت وقرینه اولمق اوزره اوج قسمه تقسیم اولندیغندن شوخالده اساس ماده حقنده ویریلان حکم قطعیلر ایله برابر مقررات قانونیه درت قسمه منقسم اولمش اولور .

مقررات مذکوره انواعندن هانکیلری درجیتیندن وهانکیلری یالکیز بردرجه دن کچه بیله جکی آئیده ایضاج اولمق اوزره اول باؤل انواع مذکوره نك تعریف ونقسی مناسیب کوردی .

اولا قرار اعدادی متن قانونده مسطور اولدینی اوزه دعوانک تحقیق ورؤیتی تسهیل ونتیجه حکمنی اعداد ایدن برتدیبری مین اولان قراردر .

تعبیر اخرله بر دعوی ایسترا اموال منقوله وغیر منقوله یه وایسترا له حق وضرر وزیان کبی صرف اچقه تحصیلنه متعلق اولسون بونک اساساً قرار قطعی یه ربطندن یعنی مدعا به اولان اموال واملاک طرفیندن برینه عائدیتنه واجقه نك تحصیلنه حکم اعطاسندن اول محکمه نظامیه جه دعوانک تحقیقاتی تسهیل ونتیجه حکمی تهیه واعداد اولمق ایچون حسب الايجاب اعطا اولنان قرارلرک حکم قطعی لحوقنه مدار اولسی جهتیله بونلر قرار اعدادی تعبیر اولور .

مثلا زید ایله عمرو بیننده عقاره متدائر تحدت ایدن بر دعوی محکمه نظامیه به عرض اولندقدده اشبو دعوانک مجرای قانونیسنده فصل وتسویه سی ضمننده اول باول عقار منازع فیه طرفیندن هانکیسی ذی الید اولدیغنک بینة شخصییه اقامه سیله اثباتی مجله احکامی اقتضاسندن اولوب کرچه

ذی الیدک مسئله سنک حی دعوانک اساساً فصل وحسم اولدیغنه دلالت ایتمز ایسه ده اصل دعوانک رؤیت وتحقیقی تسهیل ایله نتیجه حکمه وصول ایچون مدار اولدیغندن ایشته قرار مذکور قرار قرینه قیلندن اولور .

کذا دعوی واقعه اهالی قرایه متعلق اولدینی فرض اولنسه ینه توجیه خصومت یعنی طرفینک تشکیلی ایله دعوانک تسهیل رؤیتی ضمننده اهالی قرینه نك قوم محصور اولوب اولدقیرینک تحقیق وطرفیندن برینک وصی صفتیله دعوییه تصدیسی تقدیرنده صفت وصایتک تدقیق لازمه دن اولدیغنه مبنی کرک اهالی قرینه نك نفوس جریده سندن تحقیق رؤسنه وکرک وصایت حجتک ابرازی لزومنه دائر ویریه جک قرار نتیجه حکمک مؤخرأ استحصالی ودعوانک قانون دائره سنده رؤیت وتسویه سنی تسهیل ایتدیکی ایچون قرار اعدادی عد اولور .

کذلک اقامه اولنان دعوی جهات مختلفه یی شامل طولاشق وپروزی اولور ویا طرفینک ابراز ایتدیکی اوراق ودفاترک معاینه سیله یکدیگری ذمتنده الوب ویره جکبری قالب قالدیغنی اکلامق لازم کلور ایسه چونکه بومقوله تحقیقاتک اجرایی محکمه یی اشغال ایده جکی جهته ممبرلر حواله سی الی طقوزنجی ماده قانونیه احکامی اقتضاسندن بولدیغنه مبنی کیفیتک ممبرلر ویا خود اعضای محکمه نك برینه حواله سنه قرار ویرلیدیکی تقدیرده بوقرار دخی محکمه جه اعطا اولنه حق حکم قطعی یی ممبرلرک تحقیقاتی معرفتیله حاضر لقمق دیمک اولدیغندن قرار اعدادی اولمش اولور .

کذلک اموال غیر منقوله یه متعلق اولان دعوانک اثنای رؤیت ومحاکمه سنده منازع فیه کشف ومعاینه سیله اهل خبره ووقوفندن معلومات الغنسه لزوم کوردیدیکی تقدیرده بوکا دائر ویریه جک قرار ادعا ومدافعات

واقعہ نك تنویرینہ مدار اولہ جفی یعنی نتیجہ حکمی اعداد ایدہ جکی جہتہ قرار اعدادی قبیلندن اولور .

ثانیاً قرار موقت دعوی صورت قطعیدہ فصل وحکم اولغزندن اول موقتاً اتخاذ اولغسی لازمکلان برتدیری متضمن قرار دیمکدر .

مثلاً زید ایلہ عمرو بینندہ تحدث ایدن مرعا دعواسنک رؤیتی اثناسندہ زیدک مرعادن طرد اولغش اولان حیواناتنک تہلکدن خالی اولمدینی کورلک ودعوانک اطرافیلہ تحقیق ورؤیتی خیلی وقته محتاج بولغق حسیلہ حیوانات مذکورہنک تہلکدن محافظہ سی ضمنندہ مرعادہ موقتاً بارندیرلسنہ دائر لاحق اولان قرار، قرار موقت اولور .

کذا دعوی واقعہ میوه وسبزہ کی چوریمک وبوزلق استمدادینی حائر اولان اشیایہ متملق اولدینی تقدیرده بونارک حل وفصل منازعہ یہ دین فنا پذیر اولسی ملحوظ اولدیغندن نتیجہ محاکمہ حقی چیقہ جق طرفہ عائد اولق اوزرہ فروختیلہ ائمان حاصلہ سنک مأمندہ حفظ اولغسنہ دائر لاحق اولان قرار، قرار موقت اولور .

ثالثاً قرار قرینہ دعوانک رؤیتی تسهیل و نتیجہ حکمی اعداد ایلہ برابر اشبو حکمک نہ اولہ جفی همان احساس ایتدیرن برتدیری مین قراردر .

مثلاً زیدک یدندہ کی سند خاقانی موجبجہ متصرف اولدینی اراضی وچفتلک عمرو طرفندن فضولی مداخلہ اولندیغندن بچثله منع مداخلہ سی طلب اولندقدہ عمرو بالاخصار سند خاقانی موجبجہ تحت تصرفندہ بولسان اراضی بی زرع ایدوب زیدک اراضیسنہ مداخلہ ایتدیکنی انکار ایلسہ طرفین مختاصمینک تصرف ایتکدہ اولدقلری اراضینک یدلرندہ بولنان سندانہ توفیقاً تحدیدی ضمنندہ محل منازع فیہک کشف ومعاینہ سنہ

TDV İSAM

Kütüphanesi Arşivi

No 26.1099

قرار ویرلک لازم کلہ جکندن اشبو قرار قرار قرینہ قبیلندن اولور . زیرا کشف ومعاینہ نتیجہ سنندہ عمروک فضولی مداخلہ ایتدیکنی تین ایدر ایلسہ منع مداخلہ سنہ قرار اعطاسی ملحوظ اولدیغندن قرار واقع نتیجہ حکمی احساس ایتدیرمش اولور .

کذا اثنای محاکمہ کک اثبات مدعا یہ وکک تأیید مدافعہ یہ مدار اولق اوزرہ مدعی ویا مدعی علیہ طرفندن ابراز اولنان سند و ابرانامہ نك زیندہ موضوع اولان مهر وامضا انکار ایدلش ویا ساخته لکی ادعا اولغش اولدینی تقدیرده امضا وختم منکرک تدقیق خط وختم قاعدہ سنہ توفیقاً تدقیق ضمنندہ سند منکرک اهل خبرہ یہ ویا ساخته لکہ دائر دلائل وامارات قویہ کور یلورده الی آلتجی مادہ قانونیہ موجبجہ تحقیقات اجرایی ضمنندہ کیفیتک عائد اولدینی جزا محکمہ سنہ حوالہ سنہ قرار ویرلش اولسہ اشبو قرارلر قرار قرینہ قبیلندن اولور .

زیرا اهل خبرہ جہ امضا وختم منکرک منکر اولان طرفہ عائد اولدیغنه و محکمہ جزایہ جہ دخی اجرای تحقیقات ایلہ ساخته لکی ادعا اولنان اوراقک ساخته اولدیغنه قرار اعطاسی محتمل اولدیغندن محکمہ جہ اتخاذ اولنه جق نتیجہ حکم اشبو قرار قرینہ ایلہ اولدن احساس ایتدیرلش اولور .

وکذلک مدعی اثبات مدعا ضمنندہ شاهد استماعی لزومی درمیان ایتدیکنی حالده مدعی علیہ مبلغ مدعا بشدیک غروشی متجاوز اولق حسیلہ شاهد استماعی قانوناً جائز اولہ میسوب سننداً اثبات مدعا اولغسی لازم کلہ جکنی درمیان ومدعی دخی بوکا جواباً دعوی واقعہ سنہ اصول محاکمہ نك سکسان ایکنجی مادہ سنندہ تعداد اولنان احوالندن بری موجود ایدوکنی و بناء علیہ شهود اقامہ سیلہ اثبات مدعا جواز قانونی تحتندہ بولندیغنی بیان ایتدیکنی حالده محکمہ جہ شاهد استماعنه دائر لاحق اولان ویا خود مدعی

اثبات مدعان اظهار عجز ایتدییکی جهتله تکلیف اولنان یمین محکمه جه بالتصویب خصمه توجیهنه دائر اعطا ایدیلان قرار، قرار قرینه عد اولنور. زیراکه اقامه اولنان شاهدلر ادعایه موافق صورتده ادای شهادت ایتدکاری و تکلیف اولنان یمین خصم طرفدن اجرا ایدلیدیکی تقدیرده دعوانک تحت حکمه النسی مجزوم اولدیغندن بو جهتله حکم قطعینک نتیجه سی اولجه احساس ایتدیرلمش اولور.

رابعاً قرار قطعی دعوائی فصل ایدن یعنی دعوی انکله محکمه ده ختام بولان قراردرکه نهایت حکم دیمکدر.

§ ٢٧٧ — مقررات مذکوره درجه اولی محاکمندن صدور ایتدییکی حالده قابلیت استینافیه لرینک تدقیق ماهیتنه کلنجه اصول محاکمه حقوقیه قانوننک برنجی ماده سی مندرجاتندن استنباط اولنان برقاعده اساسیه واردرکه اودخی محاکم نظامیه ده هر دعوانک ایکی درجه ده یعنی بدایت و استیناف محاکمنده رؤیت اولنسی قاعده سیدر.

قاعده مذکوره استیناف اولق اوزره الحاق بشیدک غر وشدن دون اولان دعاوینک قابل استیناف اولماسی واضع قانون عندنده التزام اولنمشدرکه بواسطتا دعوی مذکوره نک جزویت کمتی حسبیه مصارف استینافیه ده عدم تحملی ملاحظه عادل سینه مستند بولنمشدر.

مع مافیه کرب اشبو قاعده اساسیه وکرب مستثنیاتنک احکام متضمنه سی قطعاً ویریلان قرارلره یعنی بردعوانک هر جهتی بدایت محکمه سنده تحقیق و تمیق ایدلکدن صکره ذات ماده نک مثلاً الاجق اچیه و تضمینات و یا ضبط اولنه جق املاک و عقارات کبی اموال منقوله و غیر منقوله حقه کبی دعاوینک اول محکمه ده اساساً فصل و حمله تحت حکمه النسی و تعبیر آخرله ایشک

عمومیت اوزره بتور یلوب بدایت محکمه سندن حیقارلمسی خصوصلرینه منعطف و منحصر در حالبوکه اشبو قرار قطعیلردن ماعدا اثنای محاکمه ده بروجه محرر موقت واعدادی وقرینه اولق اوزره اوچ نوع قرار ویریه بیله جکی کبی بولنلر خارجنده دخی نه موقت نه اعدادی ونده قرینه اوله رق ویریلان بعض قرارلر وادر.

مثلاً دعوانک اثنای رؤیتنده ذات مصلحتدن طولایی ایشک بدایت محکمه سینه عائد اولدیغی حقه ده قرق سکرنجی ماده قانونیه موجبجه وظیفه و یا خود اسباب قانونیه دن طولایی قرق طقوزنجی ماده موجبجه عدم صلاحیت قرارلری ویریه بیله جکی کبی آلتش آلتنجی ماده ده تعداد اولنان اسباب قانونیه به منی اعضای هیئندن بریسنک ردی حقه ده سرد اولنان اعتراضک و یا خود یوز اون بشنجی ماده ده مسطور اولدیغی اوزره مدعی علیه بر شخص نالته رجوعه حق و صلاحیتی اولدیغی اثبات ایله آنک دخی محاکمه به داخل اولسنه دائر درمیان ایده جکی ادعانک حل و حسمی ضمننده محکمه جه قرار ویرلمک لازم کلورکه کرب وظیفه و صلاحیت و کرب رد حاکم و دخول فی الدعوی خصوصلرینه دائر لاحق اولان قرارلر بالاده ذکر و تعریف اولنان اعدادی و موقت وقرینه قیلندن اولدق لری درکاردر.

فقط مقررات مذکوره دخی دعوانک محکمه جه قطعاً فصل و حسمندن یعنی اساساً احقاق حقدن اول ویریه کلیدیکی جهتله قرار قرینه واعدادی و موقت ایله برابر « قبل الاحقاق قرارلری » [١] تعبیر عمومیسینه داخل اولمشدر.

بالاده ذکر اولنان قاعده اساسیه اقتضاسنجیه هر دعوی حقه ده ویریلان

قرارلرک قابل استیناف اوله جغنه نظراً قبل الاحقاق لاحق اولان قرارلرک کافه سی می بوقسه بعضیسی می قابل استیناف اولوب اولدیغی مسئله سی اهمیت قانونیه دن عاری دکدر .

اصول محاکمه جه مؤسس اولان قواعد اصلیه جمله سندن مستفاد اولدیغی اوزره دعاوینک طول مدت سورنجه ده قالمسنی منع ایله طرفینک مصارف زانده دن استخلاصی و دیگر طرفندخی تدقیقات و تحقیقات مکمله اجراسیله حقوق متخاصمینک هر حالده محافظه سی کی ماده متضاد اولان ایکی مقصدک حصولی قانونا ملترم اولوب کرچه دعاوینک درجیتندن امرارینه مساع کوستلمسی تحقیقات و محاکماتک تکریر و تعمیقتی موجب اولق حسیله احقاق حق خصوصده کی خدمت قانونیه درکار ایسه ده استیناف دعوی ایچون اضاعه اوقات ایله مصارف محاکمه نک تضاعفی ضروری اولدیغنه مبنی بو حالک اوکی آلمش اولق ایچون قبل الاحقاق لاحق اولان قرارلردن آنجق قرینه قرارلری قابل استیناف عد ایدیلرک موقت واعدادی قرارلر متن قانونده تصریح اولدیغی اوزره طریق استینافدن استینا ایدلمشدر .

فی الحقیقه منازع فییه اولان اشیا و اموالک موقتاً تحت محافظه ده بولندیرلمسینه و یا خود دعوانک رؤیت و تسویه سی تسهیل ایچون مدعا هک کشف ایدلمسینه دائر ویریلان قرار موقت واعدادی حقوق طرفینک محافظه سی امرنده اتخاذ اولمش بر تدبیر دیمک اوله رق بونک ایلروده ویریه جک حکم قطعی به برکونه تأثیری تصور اولنه میه جغندن او یله بر قرارک استینافنه جواز قانونی کوستلمش اولسه اضاعه اوقات ایله تزید مصارفدن بشقه بر نتیجه حاصل اوله میه جغنی درکاردر دیگر طرفدن ایسه قرار لاحق دعوانک اثباته متعلق اولسه ومثلاً مبلغ مدعا به بشیک غروشی متجاوز اوله رق مدعی سکسان ایکنجی ماده قانونیه به استناداً شاهد اقامه سیله اثبات

مدعا ده اصرار ومدعی علیه دخی ماده مذکورده تعداد اولنان احوال دن هیچ بری موجود اولدیغی بالیان بینة شخصییه اقامه سی جائز اولدیغی تذکار ایتدکاری حالده محکمه جه شاهد استماعنه قرار ویرلمش اولسه اشبو قرار قابل استیناف اولور .

زیرا شاهد استماعی تقدیرنده مدعی علیه محکومیتی طرفنه کیدیه جکی اقوای مأمول اوله رق حالبوکه مدافعه سی وجهله شهود استماعی جائز اولدیغی تین ایتدیگی تقدیرده ایلروده واقع اوله جق محکومیتدن و مصارف محاکمه دن خلاص اولمش و حقوقی بران اول محافظه ایدلمش اوله جغنی ملاحظه سنه مبنی بومقوله قرار قرینه نک قابل استیناف اولسی عند قانونده تجویز اولمشدر .

قالدیکه اشبو انواع ثلثه مقرراتدن ماعدا بوجه مشروح محاکمه اثناسنده ویریه بیله جک قبل الاحقاق قرارلرینه کلنجه بونلرک قابل استیناف اولماسنه دائر متن قانونده برکونه صراحت قانونیه اولدیغنه وقاعده اساسیه اقتضا سنجه هر دعوی حقدنه لاحق اولان قرارلر ایکی درجه ده یعنی بدایت واستیناف محکمه سنده رؤیت و تدقیق اولنق قابلیتتی جائز بولندقرینه مبنی اشبو قرارلرک دخی حکم قطعی لحوقدن مقدم استینافی جائز اولسی نتایج قانونیه دندر .

§ ۲۷۸ — قرار قطعی ایله مقررات سائره بیننده بر فرق وار ایسه اودخی قرار قطعی موجبجه برایش محکمه دن ختام بولوب چیقدیغی حالده قرار موقت وقرینه واعدادی وسائر قبل الاحقاق قرارلر یله منازعه طرفین قطع وحسم اولمش اولماز واول دعوی دخی در دست رؤیت بولدیغی محکمه ده ختام بولماز .

قبل الاحقاق قرارلری آره سنده دخی فرق عظیم واردرکه قرار اعدادی

ایله قرار قرینه نك اوصاف متمایزه سی دعوائی تهیه و نتیجه حکمی تسهیل
ایتمکدن عبارت اوله رق سائر قبل الاحقاق قرارلرنده بو اوصاف موجود دکدر .
قرار اعدادی ایله قرار قرینه آره سنده دعوانك مجرای قانونیسنده جریانی
و نتیجه حکمك تسهیلی نقطه نظر نجه مشابته تامه وار ایسه ده بینلرنده موجود
اولان فرق قانونینك تعریف و تعیینی خیلی مشکلاتی داعیدر .

زیرا بالاده مندرج لاحقاً قانونیه شرحسنده ایراد اولنان امثله دن
بری منازع فیه اولان عقار ك كشف و معاینه ایلمسی قرار اعدادی قیلندن
اولدیفنی مبین اولوب فی الواقع بر عقار حقه ده جریان ایدن دعوانك
مبادیسنده ذی الید مسئله سنك حلی ضمننده عقار منازع فیهك حدودینی
بالارائه شاهد استماعنه قرار ویرلدیکی و یا خود منازع فیهك بالاطراف تقیدش
و معاینه سیله ادعا و مدافعه نك تنویرینه مدار اولمق اوزره اجرای کشفه
ابتدادر اولدیفنی تقدیرده بو مقوله كشف و معاینه قرارلری دعوانك حسن
جریانی و محاکمه نك قانون و اصول دائره سنده اجرایی مقصدینه مبتنی اولدیفنی
جهتله قرار اعدادی قیلندن اولور .

فقط منازع فیه اولان عقاره ایراث ضرر ایدلدیکی و یا حدودینه تجاوز
وقوعبولدیفنی ادعاسنه قارشو مدعی علیه باسنده رسمی عهده سنده بولنان
عقاره لوازم انتفاعدن اولان بر وجهله تصرف ایتدیکنی درمیان ایلدیکی
حاله ایراث ضرر و تجاوز حدود اولنوب اولمدیفنی اکلا شلق اوزره محکمه جه
كشف و معاینه اجراسنه قرار ویرلدیکی تقدیرده اشبو قرارك نتیجه سی
ضرر ك و تجاوز حدودك وقوعی تبین ایدر ایسه تضمینات و منع مداخله یه دائر
قرار قطعی لحوقی ایجاب ایده چکنه و بو وجهله نهایت حکم اولجه احساس
ایتدیرلمش اوله جهته نظراً قرار مذکور اعدادی اوله میوب قرار قرینه قیلندن
اوله جنی شهه دن وارسته در .



TDV İSAM
Kütüphanesi Arşivi
No 2E.1099